


BAHEBRAYO, CHIPATI WANI

 Elyo kupa ii—ii aniini . . . Ndi yeeya kuti kwiina cintu cibotu loko, kuli ndime, kwiinda Ijwi ncobeni. “Lusyomo lula boola kwiinda ku kumvwa, alimwi kumvwa Ijwi lya Leza.”

² Mazuba aa Bwatatu, alimwi ndiza aa Munsondo, kumwi kuswaangana kwa Munsondo, kupa mweembeli kulyookezya buyo kuniini, kwalo nkwa elela kapati kuli nkuko, a kuyeeya kuti ndiza inga twa bweza buyo Bbuku mu Bbaibbele. Twa kali kucita obo, alimwi ziindizimwi kukkala ali ndilyo kwa mwaka.

³ Nda yeeya ciindi cimwi twa kakkala cakumaninina kwa mwaka aa Bbuku lya Ciyubunuzyo. Pele, oh, ma, zintu nzo twa kaiya, a mbo cakali cibotu loko! Mpawo twa kajokela a kubweza Bbuku lya Daniele, na Bbuku lya Matalikilo, na Kulonga, a kulibweza buyo, chipati kutobela chipati, alimwi cila swaanganya ncobeni Bbaibbele lyoonse antoomwe. Oh, Nda ciyanda nconzyo eco!

⁴ Kwaakwinda kaindi, tuyo elela kubweza i . . . Ikuti na Mwami wazumanana kulongezya nkabela tuyo zumanana, tuyo njila mu zintu zini zisakene omuya, zini zisakene. Elyo tuyo zwa buyo ku busena kuya ku busena, kwinda mu Lugwalo, a ndulo.

⁵ Elyo Ndila botelwa kubamba Lugwalo kwezyanisigwa a Lugwalo. Eyo nje nzila mbo yeelede kuba. Ncifwanikiso comwe buyo cipati cibotu. Elyo mu Bbuku eli ndo tulangalanga, tu njila mukati, oh, lufutuko, a kuponesegwa kwa Buleza, amaleele, a luse. Alimwi, oh, zintuzyonse ziboola omu.

⁶ Elyo ndiza cindi Nda jana busena awo Mpe yandika kusika ku miswaangano . . . Nse zibi cindi Ne yooba mu muswaangano, kwiitilwa muswaangano, nkaambo Nse jisi cili conse cibambidwe kusikila Nda limvwa kusololelwa kucita cintu cimwi. Elyo eco ndiza inga caba kakutanaba cifumo, kwayanda Ndi laulukila ku California, kutala ku Maine na kumwi, oko buyo Nkwaya kundiita. Ako nkekaambo Nse bambi matobelanwa amiswaangano, mapati, nkaambo Nse konzyi kucicita eco. Mulimo wangu tau bambidwe munzila eyo, alimwi ulandeene nconzyo.

⁷ Elyo lino Nda boola ku muunzi ku kuzopumuna asyoonto. Nda kasweekelwa mapaundi ali makumi obilo, mu muswaangano oyu wamamanino. Elyo Mukwesu Mercier a Mukwesu Goad bakali kutala, kaindi kakainda, a kuti, “Mukwesu Branham, Nda bona eco nco cita. Ula bikka moyo wako oonse muli ncico.”

⁸ Nda kati, “Eyo nje nzila biyo njo konzya kucita musyobo ululeme wa ncito ya Mwami, nkubikka zintuzyonse nzo jisi

nkoonya kunembo lya Kristo; nsana zyako zyoonse, buntu bwako boonse, moyo wako oonse, mizeezo yako yoonse, zintuzyonse ezyo nzo jisi.” Cindi wano cita cili conse, ko cicita kabotu nape uta ciciti pe, mwabona, ko cisiya biyo cilikke. Ikuti na uyooba Munakristo, kobikka zintuzyonse nzo jisi kuli Kristo, nkokuti, ciindi cako, talenta lyako, coonse cintu cako.

⁹ Nda mubona buyo oyu mulombwana mukubusyi. Oyo mukaintu wako, Mukwesu Burns, walo, uulizya a kwiimba alya, abo banabukwetene bakubusyi. Elyo—elyo taili piyano, naanka kuti ni organi, pele musyobo umwi wa cilimba, bala panga ku cilizya ku cibweza, a kucita cintucimwi ku Mwami. Ndiza inga wacicita eco, a kwiimba, nkuti kuwina bantu. Kocita cintucimwi, nekuba. Ikuti na ula—ula konzya kusiba, ee, kosiba. Kocita buyo cintucimwi. Kopa buyo bumboni na kucita cintucimwi ca Bwami bwa Leza. Kufumbwa nco jisi, cibikke mu kubelekela mulimo wa Leza.

¹⁰ Lino, ta tukosola kukkala kwa ciindi cilamfu, nkaambo Ndi lizi kuti mula beleka. Mweelede kufuma loko. Elyo Ndi inka kuyo vwima basikaale cifumo acimwi. Njo mwaambila buyo kasimpe. Eco Nce cita. Eco Nce kaboolela ku muunzi, nkulyookezya aniini. Elyo aboobo Ndila buka, kutandila foo okuloko, a kuya mu zisaka alimwi, ee, kuvwima aniini a kuya ku koono. Elyo Ndiya bujosya kulema oko, aboobo Njo lyookezya, kwakaindi kaniini, ikuti na wa...na Mwami wayanda. Elyo zintuzyonse zili kabotu.

¹¹ Yaa, lino, tula vununa mu Mabbaiibbele anu. Ndi yanda kuti kamuletelezya Mabbaiibbele anu busiku abumwi, kuti mu... mbuli mbo mukonzya. Ikuti na muntuumwi wabula aniini, kwayanda muntuumwi inga wayanda kutobela ambali mu kubala, tuli jisi amwi awa, tu yanda i...bamwi ba maasha baavozye. Sa kuli umwi uyanda lyomwe? Ee, tambika buyo janza lyako.

¹² Ndalibuzya na Mukwesu...Doc, boola okuno a kubweza aya Mabbaiibbele. Uli imvwi mumsi awo, a Mukwesu Burns. Sa mbo mbubo, Burns? Nda mumvwa kati... [I mukwesu waamba, “Conrad.”—Mul.] Inzi? [“Conrad.”] Conrad. Nda mwiita... Ndi ba musyobo umwi wa buyumu bwa kumvwa, ndiza, Mukwesu Neville. Mbobuti Mbwe konzya kujana zina lya Burns? Ndili buzzi busyu bwa mwaalumi, nkabela Nse konzyi buya, nsekonzya kwiita zina lyakwe.

¹³ Elyo nywebo mulizi, mbuli mboya bukomena, Nda kajana cintu comwe, nciyumu kuli ndime kubala eli Bbaibbele. Elyo Nda bijilwa nconzyo kuyeeya kusama magilazi, ku kubala Bbaibbele.

¹⁴ Pele, okuno calino lino, Nda kayeeya kuti Nda kali kuya bofwaala. Elyo Nda kaunka kuyo bona Sam. Elyo Sam wakati,

“Bill, Ta ndiziyi.” Kati, “Njo kupa buyo cipangano a dokotela wabumwi.”

15 Nda kaunka ku Louisville. Kweelede kuti lwakali luyando lwa Mwami. Umwi dokotela wabumwi; Nda liluba zina lyakwe lino. Pele wa kalibala bbuku lyangu. Elyo wa kati, “Ikuti na ukasole kujokela ku Africa, Ndi yanda kuyo unka anduwe.” Wa kati, “Elyo ikuti . . . Balo bantu baku Africa bala kuyanda.” Elyo wakati, “Balo mbasimaleza maningi, kapati ku cifulo, kuunka kutenda. Aboobo,” kati, “Ndi yanda kupa myeezi yangu ili cisambomwe ya buumi bwangu kukupandula tubale a zintu, ku i . . . mu missioni.” Elyo kati, “Ikuti na twa konzya kuunka antoomwe, nkabela inga wajana luzyalo kuli mbabo, mbuli obo.” Kati, “Mpawo kuti na bano jisi tubale a milimo ya meso,” kati, “Inga ndayanda kucipa, kuta bbadelesya, kwa myeezi ili cisambomwe.” Elyo Nda luba kulampa kwaciindi ncoelede kulindila cipangano a nguwe.

16 Elyo twa kali kkedde mu kaanda kaniini alimwi ka kajisi laiti liniini—liniini lisubila lyakali kuyaka, kusule omuya mu kaanda kasiya. Baa, Nda kakonzya kutubala tubala. Ya kati nkukubona kabotu kusoolokede. Nda kakonzya kucibala nzila yonse. Elyo wa kavwetula ku fifitiini-fifitiini, nkabela Nda kakonzya ku cibala. Elyo wakabikka teeni—teeni, nkabela Nda kakonzya ku cibala. Wa kati, “Ee, takukwe kunji kulubide ku meso ako.”

17 Aboobo wa kajisi telesikkopu niini. Wa kabika cibelesyo ciniini kusule okuya, cintu cinii, nywebo mulizi. Alo matelesikkopu akaindi, mbangaye basola kwaayeya? Twa kali kulanga kwiinda muli ngawo, kulanga zifwanikiso, mbuli obo buyo. Elyo wa kati, “Sa inga wacibala eco?”

Nda kati, “Iiyi, munene.”

Wa kati, “Kondi balila ncico.”

18 Ca kajisi, oh, paragirafu yoonse, itandila mbuli *eyo*. Nda katalika, ku cibala; wa katalika ku cikwelela mujulu, mbuli *obo*, kuya bumuka a kumuka loko. Wa kasika kutandila mbuli *obu*, Nda kaleka. Wa kati, “Inga ndakwaambila cintu comwe, wakainda ku makumi one.”

Nda kati, “Inzya, mbo mbubo, kaindi nekainda kuli ngawo.”

19 Wa kati, “Wa cicita buti?” Wa kati, “I liso lyabuntu, kunyama, cindi wakomena kwa myaka ili makumi one, mbuli masusu ako mbwaaba aamvwi, a bumwi bumbi, zikoye zya meso zila landabala.” Kati, “Lino, ikuti na ukapone ciindi cilamfu kapati, eco ciya kujokela alubo.” Wa kati, “Oko nkubona kwabili, mbo ba kwiita. Pele,” kati, “muntunsi, utandila myaka ili makumi one yakukomena, mubwini bala . . .” Kati, “Takukwe cilubide ku meso abo.”

20 Nda konzya—Nda konzya kubona masusu ikuti na ali aa cibuye, koagusya kuzwa kuli ndime. Pele sena kuli ndime . . .

Elyo wa kati, “Lino, kobala Bbaibbele lyako,” kati, “koli tonta kuzwa kuli nduwe.” Kati, “Kwaakwinda kaindi, kuboko kwako taku kalampi loko, kusikila toka konzyi—toka konzyi kwaabweza alya kusakana loko ku kwaajata.”

²¹ Elyo aboobo waka ndipangila magilazi, a cibeela caansi nco konzya, nca kubalila. Wa kati, “Lino, mu cikambaukilo cako. . .” Wa kayeeya kuti Nda kali umwi wa baaba bakambausi okuno balemekwa, nywebo mulizi. Elyo aboobo wakati i. . . yebo. . . I cibeela caatala nca gilazi buyo lya kulangila lyonse, gilazi buyo lya lyonse. Elyo cibeela caansi cijisi musyobo umwi wa kafalwa muli ncico, cakuti inga Nda cibala mumsi, nywebo mulizi, mbuli *obo*. Aboobo Nda bijilwa nconzyo kwaasama; Nda cita.

²² Elyo lino, mu kuyiisya Bbaibbele, alimwi Ndi jisi Cizuminano Cipy a sunumasiku. Aboobo cili. . . Ndi jisi Cizuminano Cipy cakwa Collins alimwi cijisi bulembo bupati. Pele lino, cindi Nda jokela muli limbi, kwayanda Nde—Nde elede kuunka ku balongwe bakali, alimwi—alimwi kubaanga nkubala muli ngawo. Pele kufumbwa mbocibede, Ndi—Ndili kkomene kuti Ndi jisi cintucimwi Nce—Nce cikonzya kubala. Elyo—elyo—elyo kufumbwa Nce jisi, Ndiyo pa muntuonse cili conse Nce konzya, ku bulemu bwa Leza, langila kuti Uyo gusya citonsezyo eco cabudaala. Nse konzyi ku Mu lomba kugusya budaala bwangu. Ndi. . . Inzya, eco cintu biyo comwe toonse nco tweelede kucita. Twe elede kwiinda muli ceeco. Alimwi Ndi lizi kuti Ta ndili mulombe muniini mbuli Mbwe kabede, wiimvwi awa a cibumbili. Ndili a myaka ili makumi one alusele yakukomena. Alimwi kuyeeya buyo, myaka yobilo imbi, yooba myaka ili makumi osanwe yakukomena, Mukwesu Mike.

²³ Ma, konzyi ku cisyoma! Ndi buyo. . . Nse kazi kuti Nda kainda makumi obile kusikila kutandila myaka yobilo yainda. Mbo mbubo. Mbo mbubo. Ndi buyo. . . Nse kakonzya ku cisyoma. Elyo nekubaboobo Ndi—Ndi. . . Nciyumu kuli ndime kusyoma kusikila ne kalanga muli gilazi, elyo mpawo Ndi—Ndi cizi mbocibede, mpawo. Pele—pele kuno langa buyo, Ndi limvwa buyo kabotu mbuli Mbwe kalimvwa lyonse mu buumi bwangu, nkabela Ndili lumbide kuli ceeco, acalo. Kulumbaizya konse kube kuli Leza.

²⁴ Lino, tuli mukwiiya Bbuku lya Bahebrayo. Lya kali. . . Oh, limwi lya Mabbuku aa Bbaibbele, lisakene kapati alivubide maningi. Nda mwaambila, ndi Bbuku eelyo ncobeni liyo. . . Ikuti na Leza wazumizya, alimwi twa selemuka buyo muli eli, Ndila syoma kuti tuyo jana tubalululo tuyandisi kusikila tu kaongolole buyo kulumbaizya kwa Leza ciindi coonse. Elyo lino Ndi. . .

²⁵ I Bbuku lya Bahebrayo, bwini Mbo libede, Lye elede kuti lya kalembwa a Musalali Paulo, sikupandulula mupati loko wa Bbaibbele, Nda yeeyela, inyika ngoya kasola kubawo, kunze lya

Mwami wesu Jesu Kristo. Alimwi Paulo wakali kupambula i . . . Lino, Paulo wakali mwiyi wini wa Bbaibbele; nkuti, Cizuminano Cakale. Eelyo nde Bbuku lilikke lyakalembwa kaindi, litegwa Bbaibbele. Alimwi wa kali kusola kutondezya ku Bahebrayo, kupambula Cizuminano Cakale a kutondezya Cizuminano Cakale mukuba cimvule na cikozyano ca Cipyaa.

²⁶ Mpoonya alya inga twauma muncali wa kuzwidiila a kukkala kwa myeezi yotatwe mpoonya alya a muyeyo oyo omwe, mpoonya alya. Ku jokelaa ncobeni, ikuti na twa konzya kuvununa mu Mabbaiibbele esu lino, mubwini tuli a Bahebrayo, chipati ca 1. Pele ikuti na twa vununa ku Ciyubunuzyo, chipati ca 12, inga mwacibona kabotu loko alimwi, mbo zili zimvule. Ikuti . . . nywebo nomujisi mapenso anu a bayanda kulemba Magwalo. Mu Bahe- . . .

²⁷ Mu Ciyubunuzyo 11, tu jana kuti Johane, aa kasuwa ka Patimosi, waka bona mwanakazi kaimvwi mu milengalenga, nkabela waa kajisi zuba aa mutwe wakwe a mweezi kungsi lya matende akwe. Elyo mwanakazi wakali kutongela, a mwana wa kuzyala. Wa kazyala mwana mulombe. I simwaaba uusubila wakaimikila, kuti alye mwana mbwa kalino zyalilwa buyo. Elyo i—i mwana waka kwempelwa ku Julu, nkabela mwanakazi waka cijila mu nkanda oko nkwa kabambwa akusaninwa kwa ciindi, ciindi a cisele ca ciindi, na mu kwaabaula kwa ciindi.

²⁸ Lino, mwanakazi wakaiminina mbungano, a Mwana ngwa kazyala wakali Kristo. I mweezi kungsi lya matende akwe wakali mulao, zuba ku mutwe wakwe lwakali luzyalo. Nyenyeezi zili kkumi azibili mu musyini wakwe bakali baapostolo bali kkumi ababili. Elyo mpaawo mpa, ku cintu . . . I baapostolo bali kkumi ababili bwakali bulemu na kusamikwa musyini wa Cizuminano Cipyaa. Mwabona? “Nkambo taakwe intalisyo zimbi zikonzya kubikkwa kunze lya ezyo zya kabikkwa kale.” Mwabona? Yalo, Ntalisyo, i—i Cizuminano Cipyaa, baapostolo, Njiisyo ya baapostolo, azimwi zimbi, musyini wa kajanwa iwa Cizuminano Cipyaa. Alimwi mpawo i . . .

²⁹ I mweezi ncimvule ca zuba. I zuba litondezya buyo mumuni walyo cindi wanooli kusule lya nyika. Alimwi mweezi upa mumuni, wa kweendela, masiku. Alimwi ino ncifwanikiso cibotu nco tu jisi awa, cifwanikiso cimbi cibotu: Zuba liiminina Kristo; i—i mweezi wiiminina Mbungano. Zili mbuli mulumi a mukaintu. Elyo kuciindi Kristo natawo, Mbungano itondezya Mumuni muniini, Makanimabotu. Elyo walo—walo Mumuni wa kweendela mo kusikila Mwana wapasuka alubo, mpawo Mbungano a Mwana, mweezi a zuba zya sangana antomwe. Mwabona? I mweezi ncibeela ca zuba, a Mbungano ncibeela ca Kristo. Elyo kuciindi Kristo natawo, Mbungano itondezya Mumuni Wakwe. Elyo mpawo mbuli masimpe mbo tu konzya kubona mweezi kaumweka, uli zyi kuti zuba lilamweka kubusena bumwi. Elyo kufumbwa kuti Mbungano kaitondezya

Mumuni wa Kristo, Kristo ula pona kubusena bumwi. Ameni. Amu ciyeeye.

³⁰ Lino, mulao cakali cikozyano ca luzyalo, pele mulao tii waka jisi nguzu zya kuvuna muli nguwo. Mulao wakali biyo ii. . . I mulao wakali musilikani. I musilikani umukubikka mu ntolongo, pele, nywebo mwabona, cakatola luzyalo ku mugusya kuzwa mu ntolongo. Mwabona?

³¹ Aboobo Bulowa bwa Kristo, Makanimabotu, ala tuvuna kuzwa ku cibi. Mulao utubamba biyo kuba basizibi. I mulao wakati biyo, “Nduwe sizibi. Yebo uta kabbi. Yebo uta kaciti bumambi. Yebo uta kalengeleli kaambo kabubeji.” Mwabona? Walo musilikani waamba kuti uli lubide alimwi ujisi mulandu. Pele Makanimabotu ninkani mbotu. Kristo wakafwa kuvuna ndiswe ku nsotoko zyesu zyoonse, nsotoko zya mulao. Kristo wakafwida ku tugusya.

³² Lino, Paulo, mbwa kasandukila buyo, ta kabuzya seminari imwi, naanka kubuzya bakutausi bamwi. Pele mwa kabona? Wa kaunka kumusanza mu Arebia, nkabela wakali okuya kwa myaka yotatwe, mu Arebia. Lino, eci, ku muzeezo wangu, kuti. . .

³³ Lino, tweelede kujana kutalika kwa ceeci, kutegwa tu zibe obo mbo cili ciyandisi. Elyo ciyyo citaanzi, sunumasiku, tu bweza kutalika kwesu.

³⁴ Lino, Paulo wakali mwiiyi wa Bbaibbele boobo, nkaambo wa kayiisigwa kungsi lya Gamaliyeli, oyo mulemu wakali wampuwo ciindi coonse. Elyo wa kali umwi waka zizilwe kabotu loko ku buzuba obo, oyo mwiiyi mulemu wa mulao a basinsimi. Aboobo, Paulo wa kayiisigwa kabotu mu zintu ezyo.

³⁵ Elyo mpawo Nda muyanda munzila eyi, eci ciyubunuzyo cilemu, mukuba uusyomeka mu moyo wakwe, mujayi, waka zumina ku lufu lwa Stefano a kumubona Stefano kafwa kungsi lya mabwe a makomwe kaumwa ca lufu. Ndi yeeya kuti cakasika kutobela Paulo cindi na kamubona Stefano katambika maanza akwe ku Julu, a kuti, “Nda bona Majulu kaajuka. Nda bona Jesu kaimvwi ku janza lyalulyo lya Leza.” Elyo wa kati, “Taata, uta bikki kaambo ka cibi kuli mbabo.” Elyo wa koona.

³⁶ Sena mwakaziba eco? Ta kafwa. Wa koona. Mbuli buyo. . . Nse syomi kuti wa kasola kumvwa bbwe limbi. Mbuli buyo muvwanda acamba ca banyina, mbwa ona, Stefano wa koona mu maboko aa Leza.

³⁷ Kuli cintucimwi, cijatikizya Paulo, eco caka tobela nguwe. Mpawo walo, kufumbwa muntu kungsi lya kuzulwa, kasola ku Li lwana, wa pumbulikila ku mupaizi mupati kuyo jana magwalo amwi. Kati, “Njo baanga boonse bantu abo bapanga coongo eco conse, abaabo basibuzumini bwiimpene;” abo baka langanisigwa, abo mbo tunga twa ita sunu, kuti “basikwiindilizya banguzuuzu,” na cintucimwi mbuli eco,

kapanga coongo maningi a kucitya lunyongano. “Tuyo selemuka buyo a kucibamba.”

³⁸ Elyo mu lweendo lwakwe kaselemuka, kaindi muniini. . . kutali mugwagwamupati mbuli ngo tweendela. Alimwi yalo migwagwa mu Palestine, ntukondo buyo tuniini, mbuli kakondo kang’ombe kainda mu zisaka oko ng’ombe, a mbelele, a mbizi, a tumbongolo, a nkkamele, zyakatanta zilundu.

³⁹ Elyo Paulo, mu lweendo lwakwe kuselemukila ku Damasiko, kutandila akalangabweeseme, buzuba bumwi, Mumuni mupati waka mwekela ansi a ku muumina ansi. Taakwe waka Ubona cita Paulo. Ndi yanda kuti mubonesye eco. Elyo mpoonya awa, eci tacili camugame lino, pele buyo kuti tuya mu kutalika oku. Kutegwa muzibe kuti nguwenya Jesu. . .

⁴⁰ Lino, cindi Na kali wano aa nyika, Wa kati, “Nda kazwa kwa Leza, alimwi Ndi pilukila kuli Leza.”

⁴¹ Lino, cindi Na kasololela bana ba Israyeli, Wa kali Musumpululu wa Mulilo. Elyo Wa kaba mu mubili wabuntu, mpawo Wa kapilukila kuli oyo nguwenya Musumpululu wa Mulilo. Elyo cindi Na kaswaana Paulo mu lweendo lwaku Damasiko, Wa kali oyo Musumpululu wa Mulilo, oyo Mumuni, mwabona, Mumuni mupati. Elyo Paulo wakati, “Nguni Oyo Ngwe penzya?”

⁴² Wa kati, “Ndime Jesu, Oyo ngo penzya,” Mumuni. Oh, sa Tali mubutuloko? [Mbunga yaamba, “Ameni.”—Mul.]

⁴³ Elyo Ngooyu mbwabede, sunumasiku, mpoonya awa a ndiswe. Cakakkopwa cifoto Cakwe mpoonya alya, Cintu nciconya, mwabona, Musumpululu wa Mulilo, Mumuni, mbubonya buyo Mbwa kabede, “Mbobuca nguwenya, sunu, amuya myaaka.”

⁴⁴ Lino baalumi bakali anguwe teeba kaubona oyo Mumuni, pele Wa kaliko mbubonya buyo. I micelo yakapa mbubonya.

⁴⁵ Lino, cila konzeka kuti—kuti umwi inga wamubona Kristo mu buyake obu nkabela taakwe umbi Umu bona na? Masimpe. Ca kacitika okuya.

⁴⁶ Ca kacitika akwalo busiku bumwi cindi Petro nakali mu ntolongo. Elyo oyo Mumuni wakasika mu ntolongo, a kuguma Petro, a kweenda moonya muni lya mulindizi wamukati, mulindizi waanze, wakeenda muni lya mulyango, mulyango mupati, a mulyango wa munzi. Petro wakati, “Kweelede kuti ndali kulota.” Pele wa kalanga koonse, pele Mumuni wakali zimeene; Kristo, oyo Uutamani, Mumuni uteeli. Ngooyo Mbwa bedede. Lino, mu lweendo kuselemukila. . .

⁴⁷ Elyo amulange, cintu cimbi, ikuti na inga twa kanana ceeci, cazwa kuboola mu mizeezo yangu. Pele bantu basongo abo bakatobela Nyenyeezi, musinzo oonse kuzwida ku India, kunyika ya Kujwe, myeezi, kaboola kwinda mu makkuti a

lukula (kainda amasena akweembelela zyakujulu; alimwi ba kabamba ciindi ca masiku kwinda ku nyenyeezi) alimwi taakwe simakani akela na kufumbwa muntu wakasola kwaamba kusola kubona eyo Nyenyeezi pele bantu basongo. Ya kabambilidwe buyo mbabo Kwi ibona.

⁴⁸ Aboobo inga wabona zintu mulombwana umwi nzya takonzyi kubona. Kuli nduwe, Kalo nkasimpe. Kuli nguwe, taba mvwisiyi. Mbuli buyo kusanduka; inga wasanduka a kubotelwa zilongezyo zya Leza, akunywa buyo—buyo mu zilongezyo zya Leza. Elyo mulombwana ucilila, uukkede kumbali lyako kuteeti, “Nse cibwene cintu.” Mwabona? Mwabona? Nce ncico. “Nse cimvwisiyi ncobeni. Nse ciboni eco mbo cibede coonse.” Ee, tali muku Ci bona. Kwa mana. Awo, mpobede.

⁴⁹ Amubone lino, Paulo kali mu lweendo lwakwe. Elyo olu luzibo lupati mbo lwakacitikila buyo kuli nguwe. . . Lino, taka kikutilide. . . Eco nce cibamba Paulo kuba kabotu loko.

⁵⁰ Lino, ciiyo cesu sunumasiku ta cisakene. Calo nciyo caatala, pele, oh, tula njila mu kusakana, kwainda kaindi. Pele eci nciyo caatala kapati, pele cili mukutalika buyo kweenda. Alimwi mbo cibede, ncintu comwe, eco ncakusumpula Jesu Kristo. Paulo, ku kutalika.

⁵¹ Elyo katana kucita ceeci, Paulo wakali sicikolo mulemu wa Bbaibbele. Alimwi sicikolo mulemu wa Bbaibbele taka bikka njiisyo yakwe a luzibo. Peepe, munene. Taba kabikka njiisyo yabo aa luzibo. Inga waba a musyobo uli onse wa luzibo. Pele weeledede kuba MUBOBU MBWAAMBA I MWAMI. Nconzyo.

⁵² Lino, mu Cizuminano Cakale, baka jisi nzila zyoatatwe zyandeene nzoba kali kuzibila mulumbe. Itaanzi, mulao, oyo wakali buyo mulao. Mpawo, ba kajisi ii—ii musinsimi; simalooto; alimwi baka jisi Urimu Tamumi. Lino eco inga casakana aniini.

⁵³ I Urimu Tamumi cakali cisani cakaango eco Aroni ncakali kusama ku kaango kakwe. Omuya kwakali mabwe ali kkumi aobilo: Jasipa, sardiasi, samaragido, amwi, kuyaansi. Ba kali jisi oonse mabwe mapati akali kkumi aabili, ayo akali mu cisani cakaango, kutondezwa kuti wa kali mupaizi mupati wa mukowa oonse, mikowa ili kkumi aibili ya Israyeli. Eci cisani cakaango cakali kulengela aa munsende mu cikombelo. Elyo cindi musinsimi naka sinsima, elyo bakali kuyanda kuba masimpe kuti cakali luzi, na pe, basinsimi na basimaloto bakaimikila kumbele lya oyu Urimu Tamumi, nkabela wa kaamba ciloto cakwe na cilengaano cakwe, kufumbwa nca kabona. Elyo ikuti na Mumuni Uusetekene. . . Oh, sena mwa cibona? Leza lyoonse wakali kukkala mu cilao ciindakugambya. I cidyobedyobe, eyo mimuni, yakali mbuli ya lyonse kusikila eli jwi nilya kazwa. Elyo cindi jwi nilya kauma ayo mabwe, ikuti na tii lyakali liindakugambya, lya kaumuna zii. Pele ikuti na cigambyociinda, Mimuni eyo yoonse yaka mwetula

mubala wa fulicoongo antomwe. Amen. Mpawo, oyo wakali Leza kaambaula, “Oyo musinsimi Wangu.” Na, “Oyo simaloto wakazwa kuli Ndime.” Cakali kweendelena kuli Urimu Tamumi mbo baka beteka.

54 Mula yeeya Saulo cindi nakawa na? Wa kati ta kakonzya kuba a ciloto. Elyo musinsimi, Samueli, wakali fwide, alimwi kwakanyina nzila. Wa kati, “Awalo Urimu takanani kuli ndime.” Taakwe. Saulo wakaima kumbele lya Urimu, nkabela majwi akwe akali zinwe zila cinywe. Mwabona? Leza waka mukaka ncobeni. Elyo oyo Urimu Tamumi, oko kwakali kusimpikizigwa kwa Aroni ku bupaizi bwakwe. Nakamana kuunka Aroni, Musa, i—i cakaango kacilengelela aa munsende.

55 Lino, bupaizi bwa Aroni bwakamana cindi Jesu nakafwa. Elyo lino, kupambula mulao kuzwa ku luzyalo, tu cijisi Urimu Tamumi. Elyo Paulo wakali Ku ubelesya. Mwabona? I Urimu Tamumi ndi Ijwi lya Leza, Litamani, Litafwiki a liteeli. Mwabona?

56 “Nkambo kufumbwa uyo gusya cili conse kuzwa mu Bbuku eli, na kuyungizya cili conse kuli Ndilyo.” Ta ndiyandi cili conse citali muli Ndilyo, pele Ndi yanda zyonse Ncoli jisi. Eyo nje Mbungano njo tuyanda. Alimwi zintu zyonse zyeedele kusolekwa ku Ijwi.

57 Ako nkekaambo Nda kauma calino akati ka bantu iba Pentekoste, nkaambo, kwaamba, “Nse kakonzya kumvwisya oko kuzwa kwa mafuta mu maanza anu, na bulowa kuzwa ku busyu bwanu, kuti cakali citondezayo cakuti wa kajisi Muuya Uusalala.” Eco tacili Camalembe alimwi Nse—Nse konzyi buya kucibweza. Ceelede kuzwa ku Ijwi.

58 Elyo lino, Paulo, wa kali kuliyaanda Ijwi. Aboobo, katana kusola kupa bumboni ku luzibo olu lupati ndwa ka jisi, wa kaselemukila ku Egepita kwa myaka yotatwe. Ndila syoma kuti yakali myaka yotatwe, myaka yotatwe kuselemukila mu Egepita. Elyo nywebo mulizi Nce syoma kuti wa kacita na? Ndi syoma kuti wa kabweza Cizuminano Cakale, a kulingula kwinda mu Cizuminano Cakale, a kujana kuti Oyo wakali Mesiya kumanina ncobeni. Wa katondezaya ku luzibo lwakwe kwinda ku Bbaibbele. Amen. Oh, ma!

59 Amu mulange cindi nakali mu ntolongo. Mula bona kuti, kuli ii—ii mwaakwe wa buumi bwa Paulo cindi nakali mu ntolongo omuya kwa ciindi cilamfu. Wa kalemba Bbuku lya Baefeso. Wa kalemba olu lugwalo lwa Bahebrayo. Mwabona? Wa kajisi ciindi. Leza waka mubikkide omuya mu ntolongo, alimwi wa kalemba ayo Magwalo ku mabungano. Lumwi ku mbungano ya Efeso. Wa kalemba lumwi ku mbungano ya Pentekoste, kajisi mapenzi manji a njiyo. I mbungano ya Pentekoste yaka jisi mapenzi manji kwinda ili yonse imbi. I caajisi. Pele wa kali lumbide kuli mbabo. I cintu cilikke nca kakonzya kuba yiisya . . .

Cindi niba kanjila: umwi waka jisi mwaambo, umwi waka jisi ntembauzyo, umwi waka jisi kunyanyamukwa, umwi waka jisi kulimvwa kumwi. Ta kakonzya kwaambaula, kukanana kuli mbabo, “Bukwabilizi butamani.” Ta kakonzya kukanana kuli mbabo, “kukanzwa.” Ta akakonzya kwaambaula kuli mbabo, bakali bavwanda. Boonse bakali kucita ku—kacita kulimvwa cintucimwi, na kubona cintucimwi, a kuba akulimvwa kweenzu, alimwi na cintucimwi aali mbabo, bumboni bumwi.

⁶⁰ Pele Ndila syoma kuti, cindi na kaamba ku Baefeso, wa kakonzya kukanana akuti, “Leza waka tukanza kuba bana balombe abasimbi, akutupa bwana mbuli bana muli Jesu Kristo kuzwa ku malengelo aa inyika.” Amulange ceeco. Ma!

⁶¹ Amu mulagilile kaboola mu Bbuku lya Baroma, abamwi. Ba kali koomenede. Oh, baakanana mu myaambo, masimpe, alimwi bakali jisi zitondezyo zimwi zya Muuya Uusalala akati kabo. Pele teebe kapanga njiisyo, a kunyanyamukwa, a kubimba kuniini, a kulimvwa kweenzu.

⁶² Paulo wakati, “Mula—mula—mula unka mu kwiindilizya a ceeco. Cindi nomweelede kuyiisya, mucili bavwanda aba ciyandikana mukupa.”

⁶³ Lino, eco Nce kasola lyoonse kulwanina cikombelo eci kuba, kutali cikama ca bavwanda. Atube bapati. Amwiimikile mu mugwagwa. Oh, ma! Mpaawo we.

⁶⁴ Aboobo, Paulo wakaselemukila okuya, lutaanzi, kuyo bona na luzibo lwakwe lwakali kweendelana a Bbaibbele lya Leza.

⁶⁵ Oh, sa inga tii caba cibotu, sunu, ikuti na bantu bacicita biyo eco alubo, ikuti na twa kabamba luzibo lwesu kweendelana a Bbaibbele lya Leza? Ikuti na ta uciti, mpawo luzibo lwesu luli lubide; talu mweki mu Urimu Tamumi. Ikuti na lwa mweka Omuya, ulaziba kuti uli Li jisi. Pele ikuti na talu citi, kumwi. . . . Ta ndikwe makani obo mbo luboneka kabotu, obo mbo lulibonya mbuli kuti lwakali luzi; ikuti na eyo mimuni tai mweki ali oyo Urimu Tamumi, luli lubide.

⁶⁶ Elyo takukwe makani kuvula kwa luzibo ndo jisi, obo mbo luboneka kuba lwa kasimpe, obo mbo lulitondezya, obo mboluli lwalwiiyo, mbo luli cibelesyo cipati ca kuwinina bantu; ikuti na talu mweki mu Ijwi, luli lubide. Nconzyo. Lweelede kweendelana a Ijwi.

⁶⁷ Lino, Ndila syoma mu. . . kuli akati ka mugwagwa. I mugwagwa, lino, zindi zinji. . . Nda kali kwiinka ku mbungano ya Nazareni. I Mwami aleleke abo bantu bayandwa. Bana Methodisti bakasalazigwa, ba ciyanda cakaindi mbo babede eno; mbungano ya Leza, Nazareni, Pilgrimu Holinesi, amanji ayo mabungano mabotu akaindi abusalali. Elyo bakali kunga baimba lwiimbo:

Ndi leenda mu mugwagwamupati mulemu
 wakale,
 Kuya bwaamba koonse Nkweya,
 Inga ndasala kuba Munakristo wa ciindi
 cakale, Mwami,
 Kwiinda cili conse Nce zyi.

68 Cabota. Ncibotu. Elyo bakali kwaambaula kujatikizya mugwagwamupati wa busalali. Lino, ikuti na mwabala kuli eco, ba jana eco kuzwa muli Isaya, chipati 35. Lino, ikuti na mwalangisya, wa kati, “Kuyooaba mugwagwamupati, *alimwi* a nzila.”

69 Lino, *alimwi* ndi bbala liswaanganya. Mwabona? Ii mugwagwamupati, tii wakali mugwagwamupati wa busalali. “Uyooba mugwagwamupati, *alimwi* a nzila, nkabela iyo tegwa, ‘I nzila ya busalali,’” kutali mugwagwamupati wa busalali. “I nzila ya busalali!” Alimwi nzila ya mugwagwa mpaakati ka mugwagwa. Wa kayakwa *boobu* kutegwa meenda kaamwaya mankwishita, ku mabazu obilo, kubamba mugwagwa kuti kuusalala. Ta mu, muno jisi maanzi akkalilide mu mugwagwa wanu, ciindi coonse, ikuti na tii wakayakwa kabotu. “I nzila” mpaakati ka mugwagwa.

70 Lino, ku lubazu *olu*, cindi bantu basanduka, mizeezo yabo ilasimpikwa mpoonya ali Kristo. Elyo ikuti na bakaiya kapati buyo, nkabela taba kkalikili kungsi lya mipailo, bayo tontola ncobeni, a kuyuminina, a basitulengwa, a basituncimwa. Elyo mpawo ikuti na basikulibilika buyo aniini, ikuti na tamu langilili, bayooba basinguzuuzu a batakwe bunyone, ku lubazu *olu*, mwabona, ba njila mu kunyanyamukwa a zintuzyonse.

71 Lino, pele, Mbungano ini yalo Makanimabotu eni ali kabotu, mpoonya akati ka mugwagwa. Tai tontoli a yakalengwa, nanka itali ya ciimo cakwiindilizya. Alo Makanimabotu eni aluzi, akaindi akasaala, aaluyando lwa Leza lumvugwa ku moyo, Aselemuka akati ka mugwagwa, kaita ku mabazu obilo. Mbo mbubo. Lino eco nce . . . Alimwi mbobuti mbomuya kujana eyo Mbungano? Kuzwa moonya mu Ijwi, Urimu Tamumi.

72 Lino, Paulo wakali kuyanda kubikka eyi mbungano eeni akati ka mugwagwa, aboobo wa kaunka a kwiiya kwa myaka yotatwe mu Magwalo ayo nga kazyi. Nkikaako, Paulo wakalemba cibeela cipati loko ca ceci Cizuminano Cipyaa. Leza waka mucitya eco nkaambo cakali kuboola ku bukkalo bwa Bamasi. Matayo, Marko, Luka, a Johane, Makanimabotu one, bakali ba Juda. Pele Paulo wakalemba bunji bwa magwalo.

73 Lino amubone, lino, tula talika kujana oku kutalika lino, awo mpabede, ka Lu lemba, kuzwa mu ntolongo. Alimwi wa kali jisi *olu* loonse luzibo. Pele, lutaanzi, *olu* luzibo lwaka tondezegwa lutaanzi, *alimwi* *olu* ndugwalo lwakwe lupatu kuli

ncico. Olu ndugwalo lwakwe lupati. Baroma a Baefeso, abamwi, bali jisi busena bwabo, pele olu ndugwalo lupati.

⁷⁴ Lino chipati coonse ca 1, nku, sumpula Jesu, aku Mu pambula kuzwa mukuba musinsimi. Oyo ngo muzeezo mupati lino. Ndila sola kwijana cakufwambaana mbuli mbo kukonzeka, kutegwa tu takkalisiy kwa ciindi cilamfu. I muzeezo onse mupati, ngwa, kupambula cipya chi- . . . cipya . . . I chipati ca 1, nku, pambula Jesu kuzwa ku musinsimi umwi, na mulao umwi, a bumwi, akutondezya Oyo Jesu mbwabede. Lino amulange, “Leza.” Tula talika, bbala taanzi, “Leza.”

Leza, kuli zyakale- . . . oyo ku ziindi zyakale . . .

Zyakale caamba kuti “zyakaindi,” eelyo ciindi cakainda.

. . . ziindi zyakale a mu ziyanza zyansininsi wa kaamba i kaindi ku matata kwinda ku basinsimi,

⁷⁵ Lino, mwabona, “Leza, mu ziindi zyakale, zyakaindi, Wa kanana ku matata kwinda ku basinsimi.” Eyo nje nzila Mbwa kacita kupa Mulumbe Wakwe, kwiinda ku musinsimi Wakwe.

⁷⁶ Leza wakali katuma musinsimi Wakwe mbuli Eliya, Jeremiya, Isaya. Alimwi ikuti na mwalangisya, taakwe moonse mu makani aakale anyika, mbungano niya kasola kuleta musinsimi. Amu cilingule mu Cizuminano Cakale, Cizumnano Cipy, na mu buzuba obuno, mu buzuba bwamamanino. Amundi tondezye umwi musinsimi wakasola kubuka kuzwa mu mbungano ku buzuba bwamamanino. Amundi tondezye omwe wakasola kuyutuka, kulibonya. Elyo amundi tondezye ciindi cimwi oyo musinsimi, mulanda wini wa Leza, cakuti cianza cabupaizi ica inyika cata kamupa mulandu.

⁷⁷ Amu ciyeeye buyo. Jeremiya, Isaya, aboonse muciiindi ca Cizuminano Cakale, baka cipa mulandu. Jesu wakati, “Mula botya tubanda twa basinsimi a ku tutubya, nkabela mula babikka omuya.” Mbo mbubo.

⁷⁸ I mbungano ilazumanana eco. Amulange Musalali Patrick. Nywebo nobantu ba Katolika ula mutaminina. Tali muna Katolika buya mbuli Ndime. Mbo mbubo. Pele mula mutaminina.

⁷⁹ Amulange Musalali Francis wa Assisi. La mutaminina. Tali wa Katolika buya mbuli Ndime.

⁸⁰ Amulange Joan wa Arc. Mwa kamuumpa ku cijailo, mbuli mulozi, nkaambo waa kali kubona zilengaano alimwi wakali simuuya. Kamuumpila aa cijailo cakwe. Alimwi oyo mwanakazi kakwiilila luse, elyo baka muumpa ku cijailo. Kutandila myaanda ya myaka yakainda, ba kajana kuti waa kali mwanakzi musinsimi. Waa kali mulanda wa Leza. Oh, mubwini, mwa cita cisubulo cipati: mwa kavumbulula mibili ya bapaizi akwi sowela mu mulonga.

⁸¹ “Mula botya tubanda twa basinsimi, a kuba bikka omuya.” Nconzyo. Taakwe cindi cianza cabupaizi nicakasola kuleta muntu wa Leza; taakwe nicakacita, tacina asunu, alimwi ta kaciti. Bukombi bwaka bunganisigwa kwiina niwakaba muzeezo wa Leza mupati.

⁸² I mbungano yakabunga yakaindi maningi mu inyika ni mbungano ya Katolika; Luther, yabili; mpawo kwakasika Zwingli; kuzwe Zwingli, kwakasika Calvin; Calvin, kuyabuya, Anglikeni, ba Anglo Saxoni kaba tola, mpawo mbungano ya Anglikeni; a Mwaami Henry Walusele, cindi na kakazya, abamwi bambi; akuya buya kuli Wesley Methodisti, aba Nazareni, Pilgrim Nazareni; akuya buya kuli yamamanino, ngu Pentekoste, onse akabunganya. Elyo Bbaibbele lila yiisya antangalala kuti mbungano ya Katolika ngu ii—ii mwanakazi wampuwo mbi, a mabungano aa Protestanti atubunga twawo mbana basimbi bakwe, Ciyubunuzyo 17. Mbo mbubo ncobeni. Aboobo bala . . .

⁸³ Kutali bantu. Kuli babotu mu mabungano onse; bantu, basalali bakafutulwa. Pele Leza taiti bantu Bakwe kwinda ku kabunga. Ula baita mbuli bagame. Leza ula beleka a bagame, naa uliwa Methodisti, Baptisti, Protestanti, a Katolika, na kufumbwa mbobede. Leza, kuzwa ku malengelo aa inyika, wa kali muzyi, a kumukanzila ku Buumi Butamani, na mwa kakanzilwa ku kusweeka ca Butamani. Kutali . . .

⁸⁴ Ta kali kuyanda kuti muka nyonyoone, nimwa kaloba. Pele, Walo mukuba mupatikompatila, Wa kacita kuziba mamanino kuzwa ku matalikilo, nape Tali Leza. Aboobo Jesu takaboola ku nyika ku kwaamba buyo kuti, “Ee, Njo bona na muntuumwi uyooba a luse . . . Ikuti na Nda cita a kufwa, mu nzila njumu, antela bayo yeeya kuti, ‘Ee, Ndi . . .’ Kuyo—kuyo sungilizya myoyo yabo, alimwi bayo . . .” Leza taendelezyi mulimo Wakwe mbuli obo.

⁸⁵ Jesu wakaboolela bukanze bomwe bugaminina, mbwa, kufutula abo Leza, kuzwa ku malengelo aa inyika, mbakazi kuti bayo futulwa. Wa kaamba obo. Mbo mbubo. Aboobo mwa . . . “Tali nguwe uyanda, na oyo ucita; ngu Leza oyo utondezya luse.” Paulo wakaamba obo. Muntu nguonya awa.

⁸⁶ Wa kati, “Nke kaamba Leza wakakonzya kwaamba kuti, Esau a Jakobo kaba tana kuzyalwa, Wa kati, ‘Nda muyanda omwe a kusula umwi umbi.’ Kwalo aumwi mulombe katana kuzyalwa, Leza wakalizi kuti Esau wakali uutasyomeki, alimwi Wa kalizi kuti Jakobo wakali ii . . . Wa kayandisya bupati bwakwe. Aboobo Wa kalizi, inyika kiitana kulengwa, kujatikizya ncico. Lino, tuya kujana mu kaindi Oyo wa kacizi. Eci chipati cili cijisi.

Leza, . . . mu ziindi *zyakale mu zianza zyansininsini*
wa akanana . . . ku *matata kwinda ku basinsimi*,

*Kwalo mu mazuba aya waambaula kuli ndiswe
kwiinda mu Mwana wakwe, . . .*

Kacita nzi? “Waakanana kuli ndiswe mu mazuba aya akumamanino kwinda ku Mwana Wakwe.”

⁸⁷ Lino, ino inga mwayeeya buti kai, kuti, unga waba musinsimi? Sa inga twaba a musinsimi mpawo wa buzuba obuno? Nincobeni. Inga wa kanana kwinda kuli ndiswe? Masimpe. Pele oyo. . . I basinsimi ba ciindi cakaindi wakali Muuya wa Jesu Kristo.

⁸⁸ Lino, atu lulamike eco, nkambo Nse yeeyi kuti camvugwa kabotu. Lino, oku kuli mbuli kwiiya kwa Munsondo, aboobo tu yanda kumvwa eci kabotu. Mwabona?

⁸⁹ Amubone. Atu bweze Muuya wa Leza wakali muli Musa, cakulondoka i . . . ncimvule cakumbele ca Jesu Kristo. Boonse basyakacite ba Cizuminano Cakale bakatondezya zimvule zya ciingano kumbele. Musa, wakazyalwa kali mwana uli kabotu, wakasiswa mu matete, kagusigwa ku bazyali bakwe, azimwi, alimwi wa . . . Wa kali mwaami, na ii—ii musololi, sikupa mlaa, sikukombezezya, mupaizi. Zintuzyonse ezyo nzya katondezya mu cimvule ca Kristo kumbele.

⁹⁰ Amulange Josefa, wakayandwa kuli wisi, wakasulaikwa a babunyina, a kusambalwa kutandila nsiliva zili makumi otatwe. Waka sowelwa mu dindi, kayeeyelwa kufwa; kagusigwa. Mu kupenzegwa kwakwe, sikukutauka wakafutulwa, a mujiki wakasweeka; babbi bobilo aa ciingano. Elyo mpawo cindi na kazwa, wa kabusigwa kuzwa mu cidindi eco, alimwi waka bikkwa ku janza lyalulyo lya Farao, cipati maningi ca mpindu . . . i—i—i cisi caka zunda oonse amwi aamu inyika. Elyo taakwe bantu baka konzya kusika kuli Farao cita nibakainda muli Josefa; Jesu kakkede ku janza lyalulyo lwa Leza, nkabela taakwe bantu bakonzya kusika kuli Leza cita kwinda muli Kristo. Elyo cindi Josefa nakasiya eco cuuno cabwami a kutalika kweenda, bantu bakaunka kumbele lyakwe, kabakwiila a kulizya myeembo, kulizya mweembo, kuteeti, “Amufugame ku mazwi! Josefa ulaboola.”

⁹¹ Elyo cindi Jesu akusika, mweembo uya kulila, nkabela mazwi onse ayo fugama, a mulaka onse uya kwaamba. Iiyi, munene. Ngooyo Mbwa kabede.

⁹² Elyo cindi Josefa nakafwa, wa kasiya ciibalusyo kuli mbabo abo bakali kulindila kuvunwa.

⁹³ Nda kabikka janza lyangu aa kkasiketi ya kaindi, okuno kutali ciindi cilamfu cainda, yaka pangwa kuzwa ku liidi. Elyo mubili wakwe wa keelede kukkala . . . mafuwa akwe . . . Kati, “Muta kandi zikkili okuno, ku buzubabumwi, Leza uya ku muswaya.” Wa kali musinsimi. “Leza uya kumuswaya.” Elyo wakati, “Cindi mwa kuunka mutala lya nyika ya cisyomezyo, mu kaabweze mafuwa angu.”

94 Oonse Muhebrayo wakale, a kudunta kusule akuzula malowa, kakonzya kulanga mu kkasiketi eyo a kuti, “Buzubabumwi, tuya kuzwa.”

95 Jesu wakasiya ciibalusyo, kabanda katakwe cintu. Buzubabumwi cindi twa kuya ku cuumbwe, nkabela bayandwa besu, a kumvwa makomwe maniini akale, cindi ba kuti, “Itwe ku itwe, a bulongo ku bulongo, a ivu ku ivu.” Pele, mukwesu, inga twa langa aa lwizi, kabanda katakwe cintu. Buzubabumwi, tuya kuzwa okuno. Tuya kuya ku Muunzi. Uya kuboola. Zintuzyonse zyaka tondezegwa.

96 Amulange Davida, waakakwa ku bantu bakwe beni, kanyangwa cuuno cabwanga kwinda ku bantu bakwe beni. Mukuba mwaami wa Jerusalemu, waka tandwa kuzwa mu Jerusalemu kwinda ku bantu bakwe beni. Elyo mbuli mbwakali kutanta Mulundu wa Olifa, wa kacebuka a koomoka. Wa akakwa.

97 Myaka ili myaanda ya lusele kuzwida awo, Mwana wa Davida, Mwaami wa Jerusalemu, waka kkala aa cilundu a koomoka, nkaambo Wa akakwa.

98 Oyo wakali Muuya wa Kristo muli Davida. Zyoonse zya katondezya zimvule zya ciingano kumbele. Balo basinsimi kainda okuya ba kaamba mu Zina Lyakwe. Ba kaponi mu Zina Lyakwe. Ba kacita mu Zina Lyakwe. Masimpe. “Leza mu ziindi zyakale a mu ziyanza zyansininsini wakanana ku matata kwiinda mu basinsimi, pele mu buzuba obu bwamamanino kwiinda mu Mwana Wakwe.”

99 Aboobo basinsimi a basimuuya, buzuba obuno, nkutondezegwa biyo kwa Kristo. Okuya, ku mulao ba kaimikila, akulanga. Okuno bala imikila, kucebuka ku nzila imwi, kwiinda mu luzyalo.

100 Kuti mu Bahebrayo 11, chipati citaanzi, Nda kalibuzya kanji kuli ceeco. Mu chipati camamanino, cibeela camamanino ca chipati ica Bahebrayo, cindi naambaula zya Abrahamu. I chipati ca lusyomo lupati, alimwi ku mamamnino, wa kati, “Ba katuntulika koonse mu zikutu zyambelele a mu zikutu zyampongo, nkabela bakeenda kaumbaumba, a kuzapaulwa ku mapanga. Ba katuntulika koonse, kaatakwe busena bwakuya, kasulaikwa, akusampaulwa, a kupenzegwa. Kuli mbabo, eyi inyika ta yeelelwi bantu bali boobo.”

101 Mpawo Paulo waimikila a kuti, “Pele kakutakwe ndiswe taba londokede.” Nkambo ba kalanga biyo ku ciingano, elyo swebo tulanga kwiinda mu ciingano. Tu jisi Muuya wa Kristo Ni wakamana kuba mu mubili wabuntu a kukkala akati kesu. Tu boola awa kwinda ku Muuya Uusalala, aali mabambe mabotu loko.

102 Elyo ziindizimwi Nda libuzya eco Bunakristo ncobulangila sunu. Ii mukambausi mu dolopo weelede kuba . . . na mbungano

imwi mpya na kubukulusigwa kumwi kupya, kuliita mwini kuba musinsimi, weenda kumbele okuya, wati, “Ee, ikuti na bayo ndipa mali manji boobu. Ikuti na Nda konzya kuba a mootokala mubotu maningi. Ikuti na bayo. . . Ikuti na kuvola kwangu kuyo yungizigwa lyoonse mu myeezi ili cisambomwe.”

¹⁰³ Twe elede kuba a zibotu maningi. Twe elede kuba a maanda mabotu maningi. Twe elede kuba a zisani zibotu. Ino tuyo cita nzi cindi twa kwiimikila mu busyu bwa baabo baalumi baka tuntulika, mu zikutu zyampongo a zikutu zyambebele, kaatakwe busena bwa kulazika mitwe yabo, kabatuntulika moonse mu lukula? Elyo muntuumwi inga watu fubaazya alimwi tuli libambilide kuleka mbungano a kuta cijokela limbi. Eco Bunakristo nco buyanda sunu. Twe elede kuba abweeme kuli lwesu.

O Leza, koba siluse kuli ndiswe.

¹⁰⁴ Mu buzuba obo, Wa kakanana kwiinda ku basinsimi, pele obuno buzuba kwinda mu Mwana Wakwe. Eelyo lyakali ijwi lya musinsimi, okuya. Eli ndi Ijwi lya Mwana, sunu. Oh, lilelekwe Zina lya Mwami!

¹⁰⁵ Mu majwi ambi, ikuti na ulanga ku cimvule, negativu, inga wa lubizya. Pele Eci cakananzigwa, cifoto cilalibonya. Eco cakali kwinda ku musinsimi; eci nkwiinda ku Mwana Wakwe. Oko kwakali kwiinda ku negativu; eci nkwiinda ku cintu cini. Ameni. Mwa cibona? Takukwe ciindi ca kusweekelwa. Calo ncintu cini, obuno buzuba kwiinda mu Mwana Wakwe. Oh, mbo cili cibotu!

. . . *oyo ngwa ka salila kuba swaana* . . . (Oh, ma) . . .
swaana wa zintu zyoonse, . . .

¹⁰⁶ Cakali cinzi? Cakali cipangano. Oh, amuswiilile. Wa kasalwa, wakali Kristo, swaana wa zintu zyoonse. Oh, dyabulosi wakalizi obo, kuzwa ku muunda wa Edeni, nywebo mwabona, cindi dyabulosi nakamvwa eelyo Ijwi okuya buzuba obo, mu lubeta lwa bantu abo. Kati, “Nkaambo wa kazwa ku bulongo; ku bulongo uyo bweeda; nkabela Lunyungu lwa mwanakazi luyo cuzaula mutwe wa nzoka.” Ii Lunyungu lwaka syomezegwa.

¹⁰⁷ Saatani waka zumanana kulangilila olo Lunyungu. Cindi Abela nakazyalwa, wa kati, “Mpaawo mpobede, olo ndunyungu.” Elyo wa kajaya Abela. Mwana wakwe, Kaini, kajaya Abela. Alimwi mbwa kafwida buyo Abela, wa kati, “Nda jana lunyungu.” Wa kalujaya. Wa kati, “Ndi lujisi.” Pele, lufu lwa Abela, kuzyalwa kwa Seti bwakali bubuke alubo. Amulangilile obo mboba kaselemuka.

¹⁰⁸ Oyo mukowa wa Seti, waka selemuka, muntu, mubombe mululami; muciiindi kwinda muli Enoki; muciiindi ca Nowa, kumamanino aa lunyonyooko lwa zambangulwe.

¹⁰⁹ Amulange mukowa wa Kaini, bakaba bantu basongo, bayiide, basayaansi. Sena Bbaibbele talyaambi. . . Sa Jesu

takaamba, kuti, “I bana banyika eyi mbasongo kapati kwiinda Bana ba Bwami”? Amulange ku lubazu lwa Kaini nekuba sunu: basongo, bayiide, basikudonaika, bakombi kapati; mwabona, bakombi kapati, pele basayaansi, bayasi, bantu balemu.

¹¹⁰ Amubweze bantu balemu. Amulange Thomas Edison, bantu banji balemu. Amulange Einstein, basibupampu iba inyika, baitwa, sunu, kuti basibupampu iba inyika. Pele ta tusoli kubelesya basibupampu. Tu lekela Muyeeyo oyo wakali muli Kristo kuba muli ndiswe, a kulanga ku Ijwi eli, a kwiita eco obo.

¹¹¹ Bamadokotela bamasilike, nekubakuti tula balumba akufumbwa nco tujisi, pele bunji bwa baabo mbasikudonaika, basikutasyoma muli kubaleza. Amulange bantu bapampu a basongo sunu. Bali ku lubazu olo okuya, lubazu lwa Kaini.

¹¹² Pele amulange babombe a balubombo. Mboobo bubuke bwanu alubo. Oh, lilelekwe Zina Iya Mwami. Mpaawo we. Amubone.

*. . . wa ka mu bamba kuba swaana wa zintu zyoonse,
kuli nguwe akwalo wa kalenga manyika;*

Nguni wakalenga manyika? Kristo. “Kristo wakalenga manyika?” Iiyi, munene. Atuye ambele aniini buyo.

*Oyo mukuba bumwesi bwa bulemu bwakwe, a
cinkozya caka tondezegwa ca bwakwe busyu, . . .*

I bumwesi bwa bulemu Bwani? Bulemu bwa Leza. I cinkozya cakatondezegwa ca Busyu Bwani? Bwa Leza. Oh, Nda ciyanda eci!

*. . . na cinkozya cakatondezegwa ca muntu wakwe, a
kuzwidilizya zintu zyonse ku ijwi. . .*

Mpaawo we. I Ijwi, oyo uzwidilizya zintu zyoonse. Jesu wakati, muli Matayo 24, “Majulu a nyika ziyo loba, pele Majwi Angu ta kalobi.” Ula zwidilizya zintu zyoonse.

¹¹³ Sayaansi isola ku Li bisya, a kuti, “Ndi Bbuku lyakaindi. Lya kasandululwa.”

¹¹⁴ Niiba mbungano ya Katolika ya Roma, Bbishopo Sheen wakati, “Lya kasandululwa ziindi zyandeene zyone na zyosanwe, nkabela takuli kunji kuli Ndilyo. Nota kakonzya kupona kuli Ndilyo ikuti na wa keelede kucita.” Pele Ula zwiidilizya zintu zyoonse ku Ijwi Lyakwe. Amen. Obo Mbwe yeeya kujatikizya Ndilyo. Ndila lisyoma Bbaibbele.

*. . . ijwi Iya nguzu zyakwe, (nzeezyo nguzu mu Ijwi),
cindi nakasalazya zibi zyesu alikke, . . . (Amulangisye
awa) . . . kakkala ku janza lyalulyo Iya Mupati kujulu;*

¹¹⁵ Ncinzi Paulo ncasola kucita? Uli mukusola kutondezya kuti Leza wakakanza zintu zyoonse muli Kristo, alimwi Kristo wakali cinkozya ca Leza cakatondezegwa. I chipati mbo cizulwa cilanganya nzila Mbwa kali atala maningi kwiinda Baangelo,

atala maningi kwiinda beendelezi boonse. Baangelo baka Mu komba. Paulo wakali kusola ku Mu lemya.

¹¹⁶ Lino, Ndi yanda kusola . . . Ikuti na Nse siki ambele kwiinda obu, kumwi kwa ncico nkulemya buyo Kristo. Eco Paulo ncaamba awa, mbuli mu chipati 11, a koonse kujatikizya kwaambaula kwa inyika. Wa kati, “Ino—ino nguuli Angelo Ngwa kaambila kuti, ‘Yebo uli Mwana Wangu, buzuba obuno Yebo Nda kuzyala?’” Mwabona?

¹¹⁷ “I mamanino aa inyika, bayo loba. I inyika iyo loba. Pele i . . . Alimwi zintu zyoonse zya inyika ziyo loba. Uyo zivunga mbuli cisani. Ziyu kulumpala, a kusanduka, a kuzimaana. ‘Pele Yebo ucinoliko. Yebo ucinoliko kwalyonse. Yebo uli Mwana Wangu. Obuno buzuba Nda kuzyala Yebo, nkabela toka lobi, uli kkede ku janza lyalulyo lya Mupati.’”

Ino janza *lyalulyo* lyaamba nzi? Kutali kuti, Leza ujisi janza lyalulyo elyo muntuumwi uli kkede ali ndilyo. *Janza lyalulyo* lyaamba “nguzu a bwami,” jisi bwami bwa zintuzyonse ku Julu aa nyika. Elyo oonse Majulu a nyika zyakalengwa kuli Nguwe.

¹¹⁸ Lino, Nguni oyu Mulombwana mupati, oyu Muntu mupati, Kristo? Awa, Leza muli Taata, Mwana, a Muuya Uusalala, ta cili . . . Ngu trinita, pele Taili trinita ya bantu. Ngu trinita ya mulimo, wa Leza omwe.

¹¹⁹ Wa kali Taata kasololela bana ba Israyeli. Oyo wakali mulimo Wakwe, Jehova Taata mupati. Elyo Wa kakkala aa nyika, kaita Mwana. Alimwi lino Walo ukkala mu Mbungano Yakwe, kategwa Muuya Uusalala. Kutali Baleza botatwe; Leza omwe mu milimo yotatwe: Taata, Mwana, a Muuya Uusalala.

Bantu basola ku Mu bamba kuba Baleza botatwe baandeene, Leza i Taata. Nke kaambo, ba Juda, tii mwaka konzya, tamu kakonzyi kuleta eci kumu Juda, peepe, eco okuya. Ta konzyi. Ujisi mulao, wakuti, “Ndime Leza Omwe.” Kuli Leza omwe luzutu.

¹²⁰ Mu Africa bala bbizya munzila zyoatatwe zyandeene: bala bbizya lomwe kuli Taata, a lomwe ku Mwana, a lomwe ku Muuya Uusalala. I missioni ya Apostoliki Feithi, bala bbizya ziindi zyoatatwe, busyu kuyakumbele, ku lufu Lwakwe. Ayo nge baita kuti Makanimabotu Aazwide aku Nkomwe ya Kumbo, na Nkomwe ya Kujwe, bala bbizya zindi zyoatatwe cakusalama, kati Wa . . . ku kuzikkwa Kwakwe.

Elyo wa kuti, “Cindi Na kafwa, Wa kawida kunembo.”

¹²¹ Aumbi wakati, “Lindila. Ula zikka muntu kasaleme.” Zintu zyanzila imwi buyo ziniini zyakale, kakuli, bobilo bali lubide; bobilo bali lubide, kweendelana a Lugwalo.

Oyu ngu Urimu Tamumi. Ula cibamba.

¹²² Lino, awa, atu tondezye buyo eco onse a kubona cintu—cintu mbo ciboneka, sunumasiku. Nceeci we, ikuti na muyanda

ku cibona. Muli yoonse myaka itandila ku makumi obilo Nkeli mukutausi, Nda kacilangalanga eco. Elyo Nda kalibuzya kanji ku zipego mu mbungano. Ino nzipego nzi ezyo? Businsimi, kwaambaula mu myaambo, bupanduluzi bwa myaambo, ciyubunuzyo ca Buleza, azimwi, kuti zyoonse ziboola kwinda muli Kristo.

¹²³ Lino amulange. Kristo ngo Mutwe wa zintu zyoonse. Alimwi ngo Mutwe wa Mbungano. Elyo sena mwakasola kubona dayamondi mpati? Ii dayamondi mpati ncobeni yaka gwamwa kabotu, ili jisi tukwa tuniini twa kagwamwa kuzwa kuli njiyo, kagwamwa kuzwa kuli njiyo. Eco cibamba dayamondi iluleme. Ino kakwa nkanzi? I dayamondi ini, inzila mboizwa, ila cuzaulwa; dayamondi ini, cindi ya janwa.

Nda kali mu Kimberley. Nywebo, bunji bwanu, kamvwa kuti inga mwabwezela madayamondi mu kagwagwa, obo mbwini. Billy a Ndime, a Ba. Bosworth. I mweendelezi wa migodi ya dayamondi mu Kimberley, bweza. . . Wa kali asha wangu mu muswaangano okuya. Elyo baka tutola okuya. Elyo kuzwa buyo kwa. . . Bala isya konse, oh, kutandila tukokola tuli mwaanda kungsi lya nyika. Alazwa, kali mabwe aabbulu, bbulu mupati, mbuli eli bbwe lya bbulu ndo mujisi awa abusena. Elyo abo basicisi, bala babikka aansi kwa tukokola tuli cuulu amyanda ili ciloba, ku kwaasya, ku kusumpya muulo. Inga waunka ku mulonga okuya, ba likwabilide kwa myaanda ya mamaile. Bweza mabbaketi obilo aamagaloni alema kkumi, wa kati, a kuli bweza, lizwide zya—zya musenga, elyo ikuti wakonzya kusika ku muunzi andilyo, inga waba simamilioni manji, inga kakunooli madayamondi manji muli ndilyo. Pele beelede kubeleka a kwaasya, ku kusumpula muulo kuli mbabo.

¹²⁴ Lino, dayamondi, cindi ya yutuka, ni mpati ncobeni, ibulungene, yamubalo, mbuli, kabeela ka gilazi. Kuli dayamondi ya bbulu, dayamondi iisiya, emarodi, a dayamondi ibalangala, dayamondi iituba. Pele cindi ya yutuka. . . Mpawo cindi ya bambwa a ku belesegwa, kuli cibeela ca dayamondi eyo ncolede kusweekelwa. Elyo yeelede kusweekelwa i—i tukwa kuzwa kuli njiyo. Kugwama tukwa tuniini, nkaambo, cindi casika cigaminina mumumuni, mbuli *obo*, ipanga kumwekamweka. I kakwa, nkapanga kumwekamweka, nzila mbo kagwamwa. Kala tendwa, gwamwa, elyo mpawo, cindi kacita, kapanga kumwekamweka. Elyo kamwi kayooba mumuni a griini, kamwi kambi kayooba mumuni wa bbulu, alimwi ndiza kambi, mumuni wa emarodi, a mumuni uusubila. Elyo mimuni yandeene iinka kuzwa kuli nguwo, mbuli mubala wa fulicoongo. Ba wiita kuti, “mulilo mu dayamondi.”

¹²⁵ Lino, umwi aumwi ku mimuni eyo iiminina zipego. Pele cili, biyo, Kristo ngu Dayamondi. Elyo Wa kali Umwi Oyo wakasika, alimwi waka cuzaulwa, a kuyaswa, a kugwamwa, kutegwa Ka

konzya kulitondezya kujoka Mwini mbuli Mumuni ku inyika. Ngu Dayamondi eyo Mpati.

¹²⁶ Sa inga mwaezezya, akwalo kakutanaba nyika, kakutanaba mumuni, kakutanaba nyenyeezi, kakutanaba cili conse? Nkaako Kasensa Kapati kakaya buya, ka Muuya, alimwi kuzwa kuli aka Kasensa kwakazwa luyandisyo lunjoloma maningi, nkaambo kakanyina cintu kuli nkako kuzwa cita luyandisyo. Lino, swebo, olo ndo twiita kuti luyandisyo, sunu, nduyandisyo lwakasandulwa. Pele mbuli buyo mbo tujana camutunzya, na ciniini ca luyandisyo olo muli ndiswe, cila cinca muzeeso wesu onse.

¹²⁷ Mpawo kuzwa omuya kwakasika kalonga kambu, kuzwa kuli aka Kasensa kapati, ka Dayamondi, nkabela lwakali kutegwa bululami, bululami ncobeni. Lino, ako nke kaambo mulao keelede kuba a mulao. Ako nke kaambo mulao weelede kuba a lubeta. Ikuti na lubeta talu tobeli mulao, mulao tau gwasyi. Elyo cindi lubeta nilwa kaambwa ku mulao, olo luleta lufu, alimwi kwina umwi wakakonzya kubbadelela cisubulo cita Leza Lwakwe. Alimwi Wa kabbadelela cisubulo ca lufu lwesu, a kubweza zibi zyesu ali Nguwe, kutegwa tube bululami bwa Leza kwiinda muli Nguwe.

¹²⁸ Lino, cindi eyi Mimuni mipati niya kazwa, na mitunga mipati ya Muuya: luyandisyo, luumuno, nku koonse kwakaliko, Eco. Kwakanyina kupenga. Kwakanyina ku—ku sulaika, naanka nsulaiko; tai konzyi kuzwa kuli aka Kasensa. Oyo wakali Jehova. Oyo wakali Jehova Leza. Elyo lino, mbuli basilwiiyo lwabukombi mbo bayiita, theofani yakazwa kuli Kaako, eyo yakali kutegwa, muli Zyamalembe, i “Logosi,” Logosi eyo yakazwa kuli Leza. Nciyumu kupandulula, pele Ca kali cibeela ca Leza.

¹²⁹ Lino, nceeci cakacitika. Oh! Mundi jatile. Nda—Nda—Nda sika buyo ali eci, eci cinditola buyo kabotu oko Nkwe ciyanda. Mwabona? I Logosi, a Kasensa aka kapati, aka Kasensa kapati ika Muuya kaatajisi matalikilo na magolelo; oyu Muuya mulemu wakatalika kupanga, mu bulenge, nkabela Logosi yakazwa kuli Nguwe wakali Mwana wa Leza. Cakali biyo ciwa cakalibonya Muuya ncowa kajisi. Alimwi Ya kali theofani, eyo yaamba mubili, alimwi mubili wakali mbuli muntu.

¹³⁰ Musa waka Ibona cindi Niya kaina awo i...kumbali—kumbali lya mwaala. Elyo waka Ulanga, kati, “Walo waka libonya mbuli cibeela casule lya muntu.”

Ncikozyanyo nciconya ca mubili ngo tu tambula cindi twa fwa awa. “Ikuti na eci cilao caansi camwaika, tuli jisi cimbi cilindila kale.” Eyo yakali Njiyo. Alimwi eyo yakali theofani kwalo wakali Mwana wa Leza. Oyo Mwana, oyo Logosi, wakaba mubuntu, nkaambo twa kabikkwa mubuntu. Elyo theofani, Logosi, yakaba mubuntu, ano akati kesu, alimwi tii Wa kali umbi cita busena bwa kukkalilamo, nkambo ako Kasensa koonse

kakali kukkala muli Nguwe. Oh, sa mwacibona? Nkaako We mboibede. Oyo wakali Nguwe, kuti, mu . . .

¹³¹ Amulangisye awa. Atu vunune lino cakubinda ku Bahebrayo, chipati 7, asyoonto buyo ku—ku luzyalo, Leza kayanda. Atu bone eco cilibonya mbuli awa. Abrahamu!

Ncinji buti ciindi nco tujisi? Tu jisi maminiti ali kkumi. Yaa. Tula jata eci, mpawo twa cimanizya lutobela, lutobela, na Munsondo, Mwami nawayanda.

¹³² Abrahamu kabweeda kuzwa kukujaya mwaami.

Nkambo oyu Melikesedeki, mwaami wa Salemu, . . .

Mbangaye bazi oko, nguni, oyo Salemu kuti wakalini? Jerusalemu.

. . . mwaami wa Salemu, sibwami wa Leza sijulu lyajulu, oyo waka swaana Abrahamu kajoka ku kujaya bami, a kumu leleka;

Amuswiilile.

Kuli nguwe akwalo Abrahamu wakapa cipanzi cakkumi ca zyoonse; lutaanzi mukupandululwa kuti i Mwaami wa bululami, . . . akwalo kumwi obo i Mwaami wa Salemu, uuli, i Mwaami wa lumuno;

Waatakwe wisi, waatakwe banyina, waatakwe mukowa, naanka kuba a matalikilo aa mazuba nanka magolelo aa buumi; . . .

¹³³ Ii Mwaami wakaseluka kuzwa ku Salemu, akuswaana Abrahamu kaboola kuzwa kukujaya bamami. Alimwi oyu Mwaami taka jisi wisi, taka jisi banyina, taka jisi matalikila aa mazuba na mamanino a buumi. Nguni Abrahamu ngwa kaswaana? Lino amuyeeye. Ta kajisi wisi; ta kajisi banyina. Wa kanyina ciindi Na katalika, alimwi Ta jisi ciindi Naya kugola, aboobo oyo Mwaami nguonya wa Salemu weelede kuti ulapona sunu. Amen. Mwa cibona? Ya kali oyo theofani yakali oyo Mwana wa Leza. Inzi Salemu? Eyo Jerusalemu ili Kujulu, oyo Abrahamu, mu kulongezegwa, wakali kuvwima, kujana, kusola kujana Munzi oyo wa Muyasi a Sikuupanga wakali Leza. Wa katuntulika konse mu zikutu zyambebele a zikutu zyampongo, kulikonse, kweenda kaumbaumba, katuntulika, alimwi wakayandaula Munzi oyo wa Muyasi a Sikuupanga wakali Leza. Elyo wa kaswaana Mwaami wa Salemu oyo, kaselemuka, alimwi waka Mu pa kwakkumi kwa zisaalo zyoonse. Amen. Ngo Nguwe. Oh, Mukwesu Graham, oyo wakali Nguwe. Oyo wakali Nguwe.

Abrahamu ka Mu bona alubo. Buzuba bumwi wa kali kkede mu tente. Wa kalanga, kakuboola okuya, nkabela wa kabona bantu botatwe kababoola.

134 Nywebo mulizi, kuli cintucimwi kujatikizya Munakristo, cakuti uli zyi Muuya cindi Au bona. Cindi uli... Uli cizyi ncobeni. Kuli cintucimwi ca Kumuuya cijatikizya ncico. Zintu zya kumuuya zila twelukwa ca Kumuuya. Nywebo mulizi. Inzya, ula konzya ku ciziba ncobeni, ikuti na wa kazyalwa kasimpe. “Mbelele zyangu zilizyi Jwi Lyangu.”

135 Elyo wa kalizi kuti kwakali cintucimwi. Wa kazuzila anze nkabela wa kati, “Konjila, Mwami wangu. Kokkala acuuno. Koima aniini. Ndila jana munsuma wa cinkwa nkabela ubikke janza Lyako mukati. Ndila sanzya matende Aako. Kopumuna Omwini, mpawo uzumanane lweendo Lwako, nkambo Wa—Wa boola kundi swaya.” Kutala munyika iitazyali kabotu, kasala nzila njumu, nzila a Mwami ya bace basampaulwa.

Kuciindi, Lota nakali kupona mu buvubi, mujwa kunselelo okuya, pele wa kali kupona mu zibi. Eco nce ncico buvubi kanji ncobula kuti ncibi.

136 Aboobo Abrahamu waka baleta kutala, kuciindi ba kaleta maanzi masyoonto a kusanzya matende Abo. Wa kazuzila mu moombe, a kubweza moombe uneneede mu tanga, a ku mujaya; kaupa ku mulanda, kuti aufunde. Elyo kati, “Sarah, kokanda busu bwako.”

Nywebo mulizi kukanda kuti, niinzi, nco caamba. nywebo mulizi, baama bakali kuba acibaanga, ncipulanga cakaindi, ba kajisi mu i—i cinkuli cabusu. Sena mwakasola kubona cimwi cazyo a nsefa? Elyo mwaka jisi cipulanga omuya, mwa kukumba busu, nywebo mulizi; a kulema mbuli *obo*, a kuziya moonse, mbuli. Nda kababona baama kaba cicita, ziindi zinji, cipulanga, cijisi cintu ciniini camubalo eco cijisi waya muniini wakusebya ali ncico. Ba kali kunga babamba busu a kubusefa mbuli *obo*, nywebo mulizi, aku cuumauma konse a konse, mbuli *obo*. Mpawo kubweza cipulanga a kuciziya koonse, mbuli *obo*, kubuleta ansi boonse. Alimwi nce cindi nitwa kali kuselemuka a kuyo gaisya ku ncili yakaindi; a cinkuli cakaindi mipati, nywebo mulizi, milemu, yakapanga cinkwa cini camapopwe. Inga wakonzya kubona zitanda buzuba boonse, ali ncico.

137 Aboobo mpawo, wakati, “Kokanda busu, cakufwambaana. Elyo kopanga zibunge zitakwe bumena mpoonya awa a citofu, cakufwambaana.” Elyo ba kakama ng’ombe a kujana mukupa. Elyo baka jana, ku cikanda, a kujana bbata. Elyo mpawo ba kaunka a kuyjaya moombe a kujana nyama, elyo bakaikanga nyama. Kajana maanzi amukupa, cinkwa camapopwe, alimwi ba kajana bbata wakubikka aa zibunge zipya zitakwe bumena. Oh, eco ncibotu kapati. Elyo ba kauzila onse alya. Elyo wa kacigusya, akucibikka ku Bantu abo botatwe.

138 Elyo kuciindi ni Ba kali kulya, Ba kazumanana kulanga kutozya ku Sodoma. Elyo nikwakainda kaindi, Ba kanyamuka

a kotalika kweenda kuzwa. Elyo Wa kati, “Abrahamu . . .” Kati, “Tokwe ku cisisa kuli ndime.”

139 “Nse konzyi kusisa eco Nceya kucita. Ndiya kunselelo okuya. I zibi zya Sodoma zyasika ku kutwi Kwangu.”

Oyo wakalini Muntu? Lusuko oonse aa zisani Zyakwe, nkabela kakkede alya kalya nyama ya moombe, a kunywa mukupa wa ng’ombe, alimwi kalya cibungecitakwe bumena ca cinkwa camapowe, a bbata. Nguni oyu Mulombwana mweenzu? Bobilo, na botatwe Babo, kaba kkede alya. Lusuko oonse aa zisani Zyakwe. Oh, inzya, “Tu zwida ku Cisi cili kulaale.” Inzya, lweendo lulamfu. Elyo aboobo Wa kati . . . Ee, Ba kali Bani?

140 Wa kati, “Nse konzyi kuisila Abrahamu, mukubona kuti ngu sikukona wa nyika.” Ameni. “Nda yubununa maseseke Angu,” mu majwi ambi, “kuli baabo basikukona nyika.” Oko Mbungano nkoedele kuba sunu. Mbo mbubo. Amujane Maseseke aa Leza, kuziba nzila yakulijata omwini, a kucita, a cintu cakucita, a nzila ya kweenda, a nzila ya kupona. Tuli basikukona ba nyika. Nconzyo. Ula Ayu bununa kuli ndinywe, nkaambo Ta kasisi cintu pe. Nke kaambo tula langilila zintu ezi kazicitika.

I inyika ilati, “Aah, eco neikama caciimo ca basikwiindilizya.” Aba caambe. I sikukona wa nyika ulizi zintu ezi. [Kabeela katakwecintu aa teepu—Mul.]

. . . *nkambo baya kutegwa mbana ba Leza.*

Balacoolwe abo balo ba bombe: *nkambo bayo kona nyika.*

Ula yubununa maseseke Akwe kuli mbabo, ulayubununa kuli mbabo, kuba tondezya eco cakucita a nzila ya kupona, kusiya zintu zya inyika; kweenda cabuleza akupona cabuleza, mu inyika iliko eno, kweenda antomwe a Nguwe. Abalekwe banyika baambe nco bayanda.

141 Aboobo Wa kati, “Nse konzyi kusisa maseseke aya kuli Abrahamu, nkaambo, mu kubona kuti ngu sikukona wa nyika. Pele” Wa kati, “Ndiya kunselelo kuyo nyonyoona Sodoma. Ndiya kunselelo.”

142 “Ino uyo citanzi, Mudaala? Yebo Uzwa kuli? Ino nca makani nzi?”

143 Boola kujana kuti, Wa kati, “Alimwi cintu cimbi, Abrahamu, waka lindila kwa myaka ili makumi obilo ku cisyomezyo eci Nce kakupa. Wa kajana toonse tubbusu twa kkotoni twakalukwa mbuli meso atuyuni, i—i mapini a zintuzyonse, zya muvwanda oyu, myaka ili makumi obile yakainda. Wa kacili ku Ndi lindila. Lino Ndiyo muswaya, kutandila ku ciindi ca buumi, kweendelana, ciindi ca buumi, mweezi utobela Njo oba andinywe.”

144 Elyo Sarah, kusule mu tente. Elyo oyu Muntu kapede sule Lyakwe ku tente, kaambaula kuli Abrahamu, mbuli *obu*. Elyo Sarah wakaunka, “Huh!”

145 Wa kati, “Ncinzi cacitya Sarah kuseka?” Ho-ho-ho! Ino kujatikizya ceeco? Oko kwakali kukwabana mizeezo kwini, embo na? “Ncinzi cacitya Sarha kuseka?”

Sarah wakati, “Peepe. Tii ndaseka.”

146 Kati, “Oh, iiyi, wa cita.” Waa kali yoowede. Waa kali kukankama. Wa kalini Oyo, kakonzya kuziba eco ncakali kucita kusule mu tente? Oyo Ngu Leza nguwenya uli andiswe sunu. Oyo nguwenya. Uli zyi konse kujatikizya ncico. Mwabona? Ula ciyubununa nconzyo mbuli mbo mubulide. Mwabona?

147 “Ino useka nzi?” Mwabona, sule Lyakwe kali cebukide kuli ndilyo. I Bbaibbele lya kaamba, kuti, “Sule Lyakwe lya kacebukide ku tente.” Pele, Wa kali cizyi. “Ino walo, kusule okuya ucita nzi *eci*, nywebo mwabona?” Aboobo, Wa kati, “Njo muswaya.”

148 Nguni oyu Mulombwana mweenzu? Mulizi na cakacitika? Wa keenda kuzwa eni a kuzimaana. Elyo Bbaibbele lyakati Oyo wakali Leza Singuzuzyonse, Jevova, ako Kasensa kapati, eyo Theofani, oyo Logosi.

149 Mukambausi umwi waka ndaambila, ciindi cimwi cakainda, kati, “Mukwesu Branham, inga toyeeya ncobeni kuti oyo wakali Leza, inga wacita?”

150 Nda kati, “I Bbaibbele lyakati Wa kali Leza, Elohimu.” Walo, Wa kali Leza Singuzuzyonse, El Shadai, mbo mbubo, Sikupa Nsana, Sikukkutya. Amen.

151 Oh, Nda limvwa kuba sibukombi! Amu ciyeeye. Ngooyu walo, Mpali. Lino Ndiyo mutondezya kuti Nguni Walo awa, mpawo muyo bona Oyo Mwana kuti nguni. Oyo wakali Jesu, Ka taninga kuba a Zina lyabuntu, “Jesu.”

152 Kaimikila okuya ku Kasensa buzuba obo. Elyo boonse bakali kunywa, nywebo mulizi, alimwi, “Mukuba a meenda akali mu nkanda,” a zintu mbuli ezyo. Wa kati. . . Ba kali kulya mana a zintu. Ba kati, “Bamatata ba kalya mana mu nkanda, kwa myaka makumi one.”

153 Wa kati, “Elyo balo, umwi aumwi, uli fwide.” Kati, “Ndime Cinkwa ca Buumi eco cizwa kwa Leza, cizwa ku Julu. Oyo uulya eci Cinkwa taka kafwi pe.”

154 Kati, “Ee, ba matata bakanywa kuzwa ku Muuya, kuzwa ku Mwaala wa kumuuya oyo wakali mu nkanda, oyo waka batobela.”

155 Wa kati, “Ndime oyo Mwaala.” Bulemu! Musalali Johane, chipati 6.

“Baa,” bakati, “inzi?”

“Iyi. Mbo mbubo.”

156 “Baa,” wa kati, “Yebo uli . . . Tona kuba myaka ili makumi osanwe yakukomena.” Mubwini, milimo Yakwe yaka Mu bamba kuboneka kucembaala aniini, pele Wa kali biyo makumi otatwe. Kati, “Toli mwaalumi wiinda ku myaka ili makumi osanwe yakukomena, nkabela waamba kuti wakamubona Abrahamu, oyo wakafwa kwa myaka ili myaanda ya lusele na myaanda ili fuka? Tu lizi kuti nduwe dyabulosi.”

157 Wa kati, “Katanakuba Abrahamu, NDIME.” Ngooyo Mbwa bede. Nguni wakali NDIME? I Zina lizumanana ku nzyalani zyoonse. Oo wakali i . . . oyo Musumpululu wa Mulilo mu citeo ciyaka mulilo, “NDIME OYO ULIWO LYOONSE.” Ngooyo Mbwa kabede, eyo Theofani Nja kabamba ano, iitegwa Mwana wa Leza, NDIME, Jehova.

158 Tomasi wakati, “Mwami, tu tondezye Taata nkabela kuyo tukkutya.”

159 Kati, “Nda kali anduwe kwa ciindi cilamfu loko, elyo to Ndi zyi na?” Kati, “Cindi wabona Ndime, wa mubona Taata. Nkaambonzi ncoti, “Tu tondezye, Yebo, Taata”? Mebo a Taata tuli Bomwe. Taata Wangu ukkala muli Ndime. Ndili cilao buyo citegwa Mwana. I Taata uukkala muli Ndime. Kutali Ndime ucita mulimo, ngu Taata Wangu uukkala muli Ndime. Ngu cita milimo, kutali Ndime.”

160 Lino, kaimvwi kusule okuya, alubo, Musa waka Mu bona, cibeela casule Lyakwe, kati, “Kalibonya mbuli sule lya muntu,” Logosi oyo wakazwa kwa Leza.

161 Mpawo ncinzi cakacitika? Oyu wakali Leza. Alimwi kaambo Nca kaba kuzwa ku Logosi kuya kumubili . . . Inzi . . . ? Mbobuti mbo mu . . . ? Ncinzi cakacitika kuli ceeco? Maminiti osanwe eco kacitanaba, Wa kali ii . . . Wa kali Logosi. Pele ncinzi Nca kacita? Wa katambikizya buyo . . .

162 Lino, mibili yesu ipangwa kuzwa ku tuntu tuli kkumi acisambomwe twandeene twa inyika. Tu lizi obo. Walo upangwa kuzwa ku potashu, alimwi—alimwi ii—alimwi ii kkaushiamu muniini, alimwi—alimwi amafuta, a mumuni wa kozimiki, a maatomu, alimwi azimwi. Zyoonse zyakabikkwa antoomwe, a kupanga oyu mubili, uuzwa ku bulongo bwa nyika. Mula lya zyakulya. Mbuli mbo mulya zyakulya, eco cisanduka kuba . . . kuzwa ku bulongo, nkabela cizwa ku bulongo, alimwi ci buyo—cila zumanana buyo ncobeni. Mubili wanu, mbuli kuciimo ca mubili wanu, taakwe lwandaano kuzwa ku mbizi, na kuza ku ng’ombe, na cili conse cimbi. Ucili mubili buyo.

163 Elyo, mulombe, ula ulemeka mubili; pele oyo muuya ujisi buntu omuya, mukwesu wangu. Mbo mbubo. Pele mubili wako mbulongo buyo bwa nyika, mbuli munyama. Mubili wabo ta wiindi kuli wa munyama. Alimwi ikuti na usukamina mubili a cintu nco bona, kusukamina banakazi, kusukamina zyoonse

zintu ezi zyandeene, ucili munyama. Mbo mbubo. Mbo mbubo. To elede kucicita. I Muuya wa Leza uyo kusololela a kukubikika atala ankwaalale kapati kwiinda eco. Mbo mbubo ncobeni.

¹⁶⁴ Lino, alimwi awa, eyi Theofani mpati iimvwi alya. Ino . . . Oyo Jehova mupati, sa mulizi eco Nca kaaamba? Wa katandabika buyo a kubweza maatomu azulwa mu janza, kabweza mumuni musyoonto, a kuutila mukati, mbuli *obu*, kaunka, “Fyuu,” mubili, elyo kanjila buyo moonya mukati. Kwa mana.

¹⁶⁵ Kati, “Boola okuno, Gabriyeli,” oyo Angelomupati nconzyo. Kaunka, “Fyuu.” “Kanjila muli *oyo*.”

¹⁶⁶ “Boola okuno, Mikayeli,” Angelo ku lubazu Lwakwe lwalulyo. “Fyuu.” Nkambo i . . . “Ko njila muli *oyo*.”

¹⁶⁷ Leza, a Baangelo bobilo, baka leselukila awa mu mubili wabuntu, a kunywa mukupa uuzwa ku ng’ombe, kalya bbata uuzwa ku mukupa, a kulya cinkwa camapopwe, a kulya nyama ya moombe. Baangelo bobilo a Leza. I Bbaibbele lya kaamba obo. Oyo Melikesedeki, oyo Abrahamu ngwaka swaana, kazwa ku kujaya bamami. Oyo wakali Mwana wa Leza.

¹⁶⁸ Koya ambele, omu mu Bahebrayo, yabu 7, kati, “Pele kabambwa munzila mbuli Mwana wa Leza.” Ngooyo Mbwa bede. Wa kalenga zintu zyoonse kubelesya Nguwe. Elyo Wa keenda mpoonya alya, akucinca buyo obo bulongo kujokela nkoonya ku bulongo alubo, a kunjila kujokela moonya mu Bulemu.

¹⁶⁹ Elyo Baangelo, Mbo baka muvunina buyo Lota a Muka. Lota, nkabela waa kazumanana kucebuka. Wa kati, kabaambila kuta cicita alubo. Elyo Ba kanjila kujokela moonya mu ku—ku Busyu bwa Leza.

¹⁷⁰ Lino, ino mbulangizi bupati mbo tu jisi mu Lusyomo olu lupati ndo tubelekela sunumasiku! I Leza uupona, Jehova, Musumpululu wa Mulilo, ula ndiswe. Kalitondezya Mwini mu nguzu, a micito, a kulemya . . . Atu bweze Cifwanikiso Cakwe, nguwenya Jehova. I Mwana wa Leza wakazwa kuli Leza, wakajokela kuli Leza, a kukkala mu Mbungano Yakwe kwalyonse. Ngooyo Mbwa bede.

¹⁷¹ Walo ujisi mazina esu mu Bbuku Lyakwe, a cikonke ncakakonka Mwini, nkambo taakwe mupati maningi Ngwa konzya kukonkela, kuti Uyo tubusya ku buzuba bwamamanino. “Oyo uulya Mubili Wangu, akunywa Bulowa Bwangu, ujisi Buumi buteeli, nkabela Njo mubusya ku buzuba bwamamanino. Oyo uboola kuli Ndime, Nse kamutandi pe. Oyo uumvwa Ijwi Lyangu, a usyoma ali Nguwe waka Ndi tuma, uli jisi Buumi buteeli, nkabela taka booli mu kuzulwa, pele wazwa ku lufu kuya ku Buumi.”

¹⁷² Oyo Nguwenya wakakonzya kutambikizya buyo a kukwempa kkaushiamu ukkwana mu janza a potashi, koya,

“Fyuu,” elyo mpaawo mpo mubede alubo. Elyo zina lyangu lili mu Bbuku Lyakwe. Ho-ho! Ho-ho-ho-ho! Ino Ndi bikkila nzi maanu obo makuko angu mbwaya budiimana, obo Mbweya bukomena? Nee ncobeni. Taakwe kulibilika kuniini.

173 Mukwesu Mike, bumwi bwa mazuba aya, lelekwe moyo wako, mukwesu, cindi oyo mweembo mupati waakulila, oko kulila, alimwi oyo Josefa uya kupompa. Aleluya! Uya kuti, “Nobana!” “Fyuu.” Mpaawo tuya kuba, kubambwa mu cinkozya Cakwe; bakubusyi kwalyoonse, kucembaala kwaloba; kuciswa, mapenzi, buusu bwamwaika. Bulemu bube kuli Leza muumi!

174 Oyo Ngo Nguwe mwa kananina, sunu, Mwana Wakwe. “Mu ziindi zyakale a cianza cansininsini Wa kaambaula kwiinda mu musinsimi, pele mu buzuba obu bwamamanino kwiinda mu Mwana Wakwe, Kristo Jesu.” Ula kanana ku moyo wa muntu oonse oyo Ngwa kaita. Ikuti na wakasola kulimvwa Jwi Lyakwe na ku Mu mvwa kakonkomona ku moyo wako, akaka uta Li futatili.

Atu kombe.

175 Taata wakujulu, sunumasiku, mbuli mbo tukkomene kapati kuziba kuti, ku kujula kwa Lugwalo olu lwa Bahebrayo, obo Paulo mbwa kajokela moonya mu Makanimabotu. Ta kacibweza buyo kukumvwa buyo na aa luzibo. Wa kali kuyanda kuti tu zibe obo bwakali Bwini. Elyo wa kajokela moonya mu Makanimabotu, nkabela wa . . . jokela mu Cizuminano Cakale, Makanimabotu ayo akakambaukwa kuli mbabo. Elyo wa kabona, kwiinda mu Cizuminano Cakale omuya, zyoonse zimvule a zikozyanyo. Nke kaambo tu jisi eli Bbuku pati lya Bahebrayo sunumasiku. Alimwi tula Li bona, Mwami, alimwi Tula Li yanda. Alimwi kwiinda mu makkalo, Lya kaumpwa, Lya kamwaigwa, Lya kasolekwa kuzimaazigwa, pele Lila setuuka mbubonya buyo. Nkambo Wa kati, “Majulu a nyika ziyu loba, pele Majwi Angu takaciti.”

176 Mpawo sikudonaika inga wati, “Ee, wa kati, ‘Paulo wakalemba eli.’” Kutali Paulo, pele Leza oyo wakali muli Paulo; eco Cilenge cakapangwa cakali mukati ka Paulo.

177 Mbuli buyo mbwakali muli Davida, cindi na kati, “Nse kalekeli Umwi Wangu Uusalala kubona kubola, naanka kuti Nse kasiyi buntu Bwakwe mu gehena.” Elyo Mwana wa Leza waka bweza ayo Majwi kuzwa kuli oyo musinsimi, a kuunka moonya mu ziimo zya gehena. Elyo wakati, “Amu cimwaye eci cilao, nkabela Njo Ci busya mu mazuba otatwe.” Elyo Wa kacicita, nkaambo Ijwi lya Leza tali konzyi kukakilwa; kabeela komwe taka konzyi kukakilwa. Obo mbo tulumba Leza kuli ceeci, oyu Urimu Tamumi mupati, a kuziba kuti luzibo lwesu sunumasiku, Mwami, lula mweka mpoonya aali eli Bbaibbele awa! Twa kazyalululwa, tuli ujisi Muuya Uusalala.

178 Oyandwa Leza, ikuti na kuli mwaalumi na mwanakazi omuno sunumasiku, mulombe na musimbi, utana kupeda bumboni bwa ceeci, mbobuti mbwa konzya kubuka ikuti na taakwe Buumi omuya? Oh, ba lati, “Ndili jisi Buumi.”

179 Pele Bbaibbele lyakuti, “Oyo uponena mu misaalo uli fwide kuciindi napona. Wa ambakuti ujisi Buumi, pele uli fwide. Yebo ulataminina,” kaamba Bbaibbele, “kuti uli jisi Buumi, pele uli fwide. Yebo waamba kuti uli muvubi alimwi taakwe cintu ncobulide; pele tozyi kuti ulisampukide, a mucete, a sicinswe, a moofu, nkabela to cizyi.” Elyo nce ciimo ca mabungano sunumasiku, Mwami. Obo mbwa impya zintu ezi, zipati ziyandisi.

Kuziba kuti Leza Jehova Leza mupati, Oyo ukonzya kuleta biyo ku... Wa kati, “Amu Ndi letele eyo nswi niini.” Wa kacita kubweza nswi ku—ku kubamba cintucimwi ancico. Katondezya, kuti bubuke bwakacita kuba cintucimwi, kucita cintucimwi ancico. Ta kabamba biyo nswi, pele Wa kabamba nswi ijikidwe, a cinkwa cijikidwe. Elyo Wa kasanina bali zyuulu zyosanwe kubelesya nswi zyosanwe ziniini... zinkwa ziniini a nswi zoyibilo. O Mwami, cakali mu maanza Akwe, alimwi Wa kali Mulengi. Pele Wa kacita kuba a cintucimwi mu janza Lyakwe.

Leza, akube kuti tuli lazike mu maanza Akwe, sunumasiku, kwaamba kuti, “O Leza, kondi bweza mbuli Mbwe bede. Alimwi cindi mamanino aa buumi bwangu bunooli ano, andiinke a bulangizi obu bwakali muli ndime, mukuziba kuti Nda kazyalululwa, alimwi Muuya Wako wapa bumboni a ndime, a kulungulula a muuya wangu, kuti Ndili mwana Wako musankwa, na musimbi Wako.” Elyo ku buzuba obo bwamamanino, Uyo babusya. Ko cipa, Taata.

180 Elyo kuciindi notu kotamika mitwe yesu, sa inga kwaba umwi inga watambika janza lyako, kwaamba, “Kondi yeeya, Mukwesu Branham, mu mupailo. Ndi yanda Leza kundi ziba cindi... Nke tana kusiya eyi nyika, cakuti Uyo ndiziba maningi nkabela Uya kwiita zina lyangu. Njo ingula.” I Mwami aku longezeye mulombe. Leza aku longezeye, a yebo; a yebo, omulindu. Muntu umwi umbi? Kotambika buyo janza lyako. Kwaamba, “Kondi kombela, Mukwesu Branham.” Eco ncotu tacite. Leza aku longezeye, omulindu muniini. Eco ncibotu.

181 Lino, kuciindi mutwe wako nuukoteme, kupaila, Ndiyo imba kampango a lwiimbo olu.

Teemuzyi buvubi bwabuyo bwa nyika eyi,
Obo buyabaala cakufwambaana,
Yaka bulangizi bwako aa zintu Zitamani,
Ta zika lobi.

Jata ku janza lya Leza litasanduki.
 Jata ku janza lya Leza litasanduki.
 Yaka bulangizi bwako aa zintu Zitamani,
 Jata ku janza lya Leza litasanduki.

¹⁸² Kuciindi nalizya lino, a mutwe wako kuukoteme, walombwa utambike buyo janza lyako atala, kwaamba, “Iyi, Mwami, ndeeli lyangu”? Ino lila cita nzi? Liyo tondezya muuya wako, muli nduwe, bamba kusala. “Ndi yanda janza Lyako, Mwami.” Leza aku longezye, okasimbi kaniini. “Ndila tambika janza lyangu.” Leza aku longezye, omusimbi musyoonto, anselelo awa. Eco ncibotu, oyandwa. Leza, uli zyi, uli kkomene ku kubona kucita eco. “Amulekele bana baniini baboole kuli Ndime.”

¹⁸³ “Ndi yanda, Leza, Ko jatilila janza lyangu. Elyo ku buzuba obo, Ndi yanda kuyooba mu janza Lyako; cakuti, cindi Wa kwiita, Njo boola.” Iyi, mbuli Lazaro mbwakabede. Leza aku longezye, mucizi.

Ciindi lweendo lwesu lwa kumana,
 Ikuti na kuli Leza wakali kasimpe,
 Munzi wako mubotu ubalama mu Bulemu,
 Buntu bwako bwakaya mu kukwempwa buya
 kubona.

Ino ula citanzi lino, mpawo?

Jata ku janza lya Leza litasanduki.
 Jata ku janza lya Leza litasanduki.
 Yaka bulangizi bwako aa zintu Zitamani,
 Jata ku janza lya Leza litasanduki.

¹⁸⁴ Taata Wajulu, maanza masyoonto aunka mujulu, mu muswaangano oyu muniini, sunumasiku, kuti bayanda kujata, sunumasiku, ku janza Lyako, litasanduki Litamani. Mukuziba kuti eco catuulwa kuli Nduwe. . . Wa kati, “Ndi. . .Boose Taata mbaka Ndi pa bayo boola kuli Ndime, alimwi taakwe wabo uyo sweeka. Alimwi Njo babusya ku buzuba bwamamanino. Takonzyi kuloba, takonzyi kusika ku lubeta, pele uli jisi Buumi, Butamani Butamani.” Alimwi kuli biyo Buumi Butamani bomwe. Obo buzwa kwa Leza, alikke. Ngu Leza. Elyo zulu cibeela ca Leza, cakuti tuli bana balombe abasimbi iba Leza. Cindi twaba a Muuya wa Leza muli ndiswe, tu yeeya mbuli Leza. Tu yeeya zya bululami a busalali, alimwi tu sola kupona kubotezya Nguwe.

¹⁸⁵ Kopa, Mwami, kuti oyo musyobo wa Buumi uka njile muntu onse watambika janza lyakwe. Abaabo beelede kutambika maanza abo, nkabela teeba cita, Nda lomba kuti Uyo oba ambabo. Ko cipa, Taata. Elyo cindi lweendo lwa buumi lwakugola, buumi bwakumana, akube kuti tu kanjile mu luumuno ku buzuba obo, a Nguwe, oko nkotu taka cembaali, taka ciswi, taku kabi mupenzi. Kusikila eelyo, kotubamba

calutangalo a kukkomana, kulumbaizya Nguwe, nkambo twa cilomba mu Zina Lyakwe. Amenii.

¹⁸⁶ Nyoonse nobasyomi, lino, atu tambike buyo maanza esu a kwiimba ciinduluko eco.

Jata ku janza lya Leza litasanduki.
 Jata ku janza lya Leza litasanduki.
 Yaka bulangizi bwako aa zintu Zitamani,
 Jata ku janza lya Leza litasanduki.

Lino atwi ng'ung'une. [Mukwesu Branham watalika kung'ung'una *Jata Ku Janza Lya Leza Litasanduki*—Mul.]

¹⁸⁷ Kucindi nomucita ceeco, simukobo nyokwe; koamba, “Leza aku longezye, simukoboma.” Kosukana maanza a muntuumwi ukkede munsii lyako. “Leza aku longezye.” Ku mabazu obilo lino. Ku mabazu obilo, kosukana maanza. “Leza aku longezye, simukoboma. Leza abe anduwe.” Yaka bulangizi bwako aa zintu Zitamani.

Doc, Ndi lizi nkocili, mukwesu. Ndi lizi wakali okuya, Mukwesu Neville, ciindi cilamfu cakainda.

Cindi olu lweendo lwaakumana,
 Kuyo citika, bumwi bwa mazuba aya.
 Ikuti na kuli Leza twakali kusyomeka,
 Tuyo mubona Mukwesu Seward okuya.

Uumweka a uumweka, muunzi wako mu
 Bulemu,
 Buntu bwako bwakaya mu ku kwempwa
 nibuyo bona.

Jata ku janza lya Leza litasanduki.
 Nda kuyanda oko kukomba, kwamana mulumbe.
 Jata ku janza lya Leza litasanduki.
 Yaka bulangizi bwako aa zintu Zitamani,
 Jata ku janza lya Leza litasanduki.
 Ciindi cizwide cibeela cakucinca kufwamba,
 Taakwe ca nyika citeendi ciyo ima,
 Yaka bulangizi bwako aa zintu Zitamani,
 Jata . . .

Atu jate kuboneka Kwakwe, oyo Walo uutabonwi akati lino, a ku Mu komba buyo lino mbuli mbo twiimba.

Jata ku janza lya Leza litasanduki.
 Jata ku janza lya Leza litasanduki.
 Yaka bulangizi bwako aa zintu Zitamani,
 Jata ku janza lya Leza litasanduki.

Luumuno! Luumuno! Lubotu luumuno,
 Amu Mu kombe buyo lino.

Kuseluka ansi. . .

I mulumbe wamana. Nku komba.

Kofumpa ku muuya wangu kwalyonse, Nda
lomba,
Mu kuvula kwa luyandisyo lutapimiki.

Kozuzya buyo muli Nguwe.

Luumuno! Luumuno! Lubotu luumuno,
Kuseluka ansi. . .

Ako Kasensa kapati, kali mukujuka.

. . . atala;

Kofumpa ku muuya wangu kwalyonse, Nda
lomba,
Mu kuvula kwa luyandisyo lutapimiki.

Sena eci cicita cintucimwi?

Luumuno lubotu,
Kuseluka ansi kuzwa kuli Taata wesu Atala;
Kofumpa ku muuya wangu kwalyonse, Nda
lomba,
Mu kuvula kwa luyandisyo lutapimiki.

Sa takukwe cintucimwi cijatikizya Ndilyo, bbotu a luvubide buyo na?

¹⁸⁸ Ndalibuzya ikuti na kuli muntu ucididwe uyanda kunanikwa a kukombelwa. Ikuti na mpali, jana buyo busena bwako. Oyu mulindu mu whiluceya awo na? Asyaale buyo. Nda boola, ku mukombela. Ta elede kubuka kuzwa mu cuuno. Umbi?

Oh, sa tamu ciyandi eci cibeela ca kuswaangana? Mbangaye balimvwa, bazi buyo kuti Busyu bwa Leza mpo buli ano? Eco Nce ambaula. Eco ncoonya. . . Uli mvwa buyo mbuli. . . Mbangaye balimvwa mbuli kuti inga mwa kwiila? Lino atu bone buyo. Kulimvwa buyo mbuli cintucimwi muli nduwe ciyanda kukwiila. Mwabona?

Lwalo nduumuno! Luumuno! Lubotu
luumuno,
Kuseluka ansi kuzwa kuli Taata Atala;
Kofumpa ku muuya wangu kwalyonse, Nda
lomba,
Mu kuvula kwa luyandisyo lutapimiki.
Komweka ali ndime,

¹⁸⁹ Kuciindi notuli mu kukomba, tula nanika baciswa lino, a ku bakombela. Sa inga toboola njionya nzila eyi, omulindu?

¹⁹⁰ Ino eci caamba nzi? “I kukomba kwa lusyomo kuyo vuna uucisidwe.” Boonse amube mu mupailo lino, amu ng’ung’une buyo lwiimbo olo. Amuyeeye zya Jesu kuponya baciswa.

Munanike mafuta. . . ? . . .



BAHEBRAYO, CHIPATI WANI TNG57-0821
(Hebrews, Chapter One)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa muli Bwatatu mangolezya, Ivwivwi 21, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org